

R H B 21 -
Voet 1481B Very rare.
copies: Plantin, Leiden, Erlangen
Brunels.

82

Ex Libris
JOHN LANDWEHR
Voorschoten

Mémoires de Junius

Adrien Junius né à Forn en Hollande le 1^{er} de Juillet 1511, a été un des plus sçavans hommes de son siècle. Il étoit fils d'un Bourgmaître de grand mérite, et il étudia premièrement à Haerlem, puis à Louvain et à Paris, et enfin à Boulogne en Italie, où il se fit recevoir Docteur en Médecine. Etant de retour en son pays il passa en Angleterre l'an 1543, et y fut Médecin du Duc de Norfolk, et puis d'une Dame de qualité. Il y composa quelques livres, et entre autres un Dictionnaire Grec et Latin, où il avoit ajouté plus de 6500 mots. Il se dédia au jeune Roi Edouard en 1548; et parce qu'il lui donna le livre de Roi, on lui en fit des affaires long-tems après à la Cour de Rome. Comme il étoit

fort bon Poète, il publia en 1554 un
Epithalame sur le mariage de Philippe
II^e avec la Reine Marie. Cela lui auroit,
peut-être valu une fortune considerable
si l'Angleterre fut demeurée en repos.
Il s'en retira durant les troubles, et s'en
alloit confiner à Horne; mais le Roi
de Danemarck l'en tira bientôt pour
le faire précepteur du Prince son fils
Junius, ne pouvant s'accommoder ni
du climat ni du genie des habitans,
se retira d'une manière si brusque
qu'il ne prit pas même congé du Roi.
Il y a de l'apparence que ce fut en
1564. Il s'établit à Harlem; il y
pratiqua la médecine; il s'y maria;
et y fut Principal du Collège. Les
Etats de Hollande lui donnèrent
la commission d'écrire l'Histoire de
la Province, de quoi il se seroit acquitté

dignement, et avec plus d'exactitude
qu'il n'a fait, s'il avoit pu mettre la der-
niere main à l'ouvrage, qui parut après
sa mort, sous le titre de Batavia.—

Lorsque les Espagnols eurent assiégé
la ville de Harlem, il trouva le moyen
d'en sortir pour aller voir le Prince d'
Orange qui avoit souhaité de se servir
de ses remèdes. La ville ayant été prise
en 1573, on pillâ sa Bibliothèque, où
il avoit laissé plusieurs ouvrages
qui lui avoient coûté beaucoup de tra-
vaux, et par où il espéroit de s'éterniser.
Il auroit pu les mettre bientôt en jour,
et c'est ce qui augmentoit son chagrin.
Il passa en Hollande, où la recomman-
dation du Prince lui fit avoir des ap-
pointemens publics, pour pratiquer
la médecine dans Middlebourg. Mais
l'air du pays lui fut fort contraire. Il

gagna des maladies qui, jointes aux regrets d'avoir perdu sa Bibliothèque, le fit mourir le 16^m de Juin 1575, âgé de soixante et quatre ans, moins quelques jours. —

Son corps fut porté d'Armuiden à Middelburg, où son fils aîné le fit enterrer honorablement, et lui composa une Epitaphe. On a plusieurs Poésies de sa façon. On avoit jeté les yeux sur lui pour une chaire de Professeur à Leide, où l'Université ne faisait, quasi, que de naître lorsqu'il mourut. Je n'ai pas encore eu le temps de bien aviser s'il se fit enfin de la religion

Il paroît par une de ses Lettres qu'il se mit fort en colère quand il apprit qu'un de ses disciples l'avoit accusé de commander à ses Pensionnaires de n'aller point à

P'égliſſe. Il proteſte au contraire qu'il
les contraignoit d'y aller les jours
de fêſte, car il condamnoit à des a=
mandes aſſez fortes ceux qui négli=
gent d'y aller.

On voit ailleurs qu'il ſe plaint de
ſa miſère, et qu'étant chargé de det=
tes, et obligé de ſ'équiper il n'a
dans ſa bourse ni denier ni maille.

BAZIL. D. H. et C.


Les autres ouvrages ſont ~~suivants~~ : —


1. Animadverſorum libri vi. De Coma
Commentarium; 12mo. Basil. 1556
2. Bataria Historia — 4to. Lugd. Bat. 1558
3. Nomenclator Octolinguis.
4. Commentarius de Anno et Menſibus. —
5. Appendix ad Epistolam Tixtoris.
6. Copiae-cornu sive Oceanus Enarrationū
Homericarum ex Eustathii Com=
ment. collectus in unum volumen.


7. Phallii ex fungorum generis in Hollan-
diae sabuletis passim crescentis De-
scriptio. 4to. ————— L. Bat. 1601

avec deux ou trois autres moins dignes
de mention. —


Thomas Turner. May. 11. 1833.







E
LIBRIS
IÆ-IRJ



1815

1816

1817

1818

1819

1820

1821

1822

1823

1824

HADRIANI
IVNII MEDICI
EMBLEMATA.

EIVSDEM
ÆNIGMATVM LIBELLVS.



ANTVERPIÆ, ⁹
Apud Christophorum Plantinum.
M. D. LXXXV.

elapsam eo minùs iniquè patior, quo libri
 moles magis excreuerit, quo Emblemata-
 rum numerus sit auctior, hoc est, quo lar-
 gior vsura fenori accesserit. Bonæ fidei
 contractus rescindi nequit, comperendi-
 nari potest, habita fenoris ratione. Itaque
 seriùs ad te xenij loco proficiscentem li-
 bellum, ex corollarij superpondio nihilo
 deteriore putabis. Neque verò ex pro-
 lixitate captare fauoris auram studui,
 quando vnumquodque Emblemata libelli
 materia futurum fuerit, si compendio o-
 perosam verborum struem prætulissem;
 ac nisi tam posse occupato tibi displicere
 prolixitatem cogitasset, quàm mihi aut
 desiderantibus aliis est grata. Nimirum
 malui eundem mihi linguæ modum, qui
 est ingenij, qui est fortunæ. Scripsi autem
 plura, quàm iniunxeras, vt delectum in-
 stituere tibi sit integrum: itidem, vt fit in
 lustratione exercitus, vbi triariis & vetera-
 nis primus habetur locus, capite census &
 gregariis numero summotis. Plusculum
 operæ

CLARISSIMO SPLEN-³
DIDISSIMOQ. VIRO ARNOLDO
COBELIO, QVÆSTORI ÆRARIO
HOLLANDIAE MERITISSIMO,
HADR. IVNIUS MEDICVS.



ANVARI I Calendas
anni auspices largiendis
strenis sacrauit antiqui-
tas. atque ea consuetudo
iam inde à Tatio Sabi-
norum rege in posterita-
tem transmissa est: quem verbenas felicitis
arboris ex luco streniæ, noui anni auspices
primum accepisse auctor est Symmachus,
argumento indubitato viris strenuis eas
conuenire, atque ob virtutem deberi. De-
creueram itaque veterum factum imita-
tor non otiosus affectari, ornatiss. Cobeli,
ac dedicato tibi, missoque strenæ vice li-
bello Emblematum Calendas præuerrere,
sed voluntatem eam sedulitas quædam
sibi instans nec ferè vnquam sibi satisfa-
ciens abruptit: eam tamen occasionem
A 2 clapsam

I O. S A M B V C V S H A D R.

I V N I O S V O S.

A C C E P I tua Emblemata; de quibus etsi tu
nimium modestè sentis, aliud tamen fore publi-
cum iudicium videbis: nam & sana, & varia, ele-
gantiaq. sunt, & facilè auctorem, officinamq. te-
stabuntur. Quod verò mea tantopere expetis,
ante Aprilem ob sculptoris & pictorum moram
vix apparebunt: quæ si videris, minuetur deside-
rium legendi ea, & verè τῶν κοινῶν ἐκκλητότερος
dices. Tu verò tandem nobis Sudam restitutum,
epithetorum Græcorum explicationes, Nonium,
& alia extrudas: nec, quasi nondum absolueris,
otium differendo quæras: teque ad alia accingas,
ut, quando Erasmus vestrum ingenio æquare
ceepisti, numero quoque lucubrationum infe-
rior ne sis: dumque ætas viresque permittunt,
τὴν τῷ ῥήϊσι συνέχειαν συναφείᾳ quadam καὶ ἐις ἑαυτὴν
velut librorum, qui nisi eruditi esse nequeunt, po-
steris repræsentantes. Vale, & Sambucum amare
pergito, sed minùs laudato: quis enim, quàm ego,
me nouit meliùs? Antuerpiæ, I I I I. Idus Februa-
rij. Anno M. D. L X I I I I.

Repre-

operæ positum est cùm in reddenda symbolorum ratione, quæ obscurior paulo est, eo quòd breuitatem captanti, singulis versuum quadrigis, & picturæ typum & symboli rationem includere necessum fuerit; tum in explicando picturæ apparatu, vt ne pictor, quia locis disiungimur, quidquam hîc desideraret. Adde quod impensiùs & de industria fategi, varietate metrorum condire opus, vt vniformis lectionis fastidium hac parte leuaretur. Vale feliciter, & nos ama. Harlemo sub Idus Ianuarias.

A 3

Io. SAM-

Rabularum odium.



Grunnitum suis immundi cane peius & angue
 Indus Elephas inuisum habet.
 Obstreperos rabulas, qui litibus omnia m'scent,
 Odisse, par est principem.

Gloria

Reprehendere proclive: & animum
apertum esse debere.



Nocte satus, genitore orbis, sum namine Momus,
Dente Theonino singula rodo lubens:
Fingi hominem caussor clathrato pectore; apertis
Sensibus occultum ut nil specus ille regat.

A 4

Rab-


Impunitas ferociæ parens.



Insultans pavida hic natio musculi
 Clausis muscipula carcere felibus.
 Sublatoque metu fortè periculi
 Crescit tunc animus degeneri insolens.

Gloria immortalis labore parta.

Ad reuerendiſſ. Card. Granuellanum.



Tortillis & caudam ore tenens hic termite lauri
Ambitur anguis, & lizonem circuit.

Gloria continuos nunquam moritura labores
Sequitur, virensq; in ore viuit perpetim.

A S

Impu-

Ex pace rerum opulentia.




Aureolum dextra gestat Pax Attica Plutum,
 Laua tenet cornu plenum ubere copia.
 Gliscit opum satias. & rerum copia leta,
 Pax ubi Marte triumphato viget aurea.

Quod

Vita mortalium vigilia.

Ad D. Viglium Zuichemum Praesidem.



Inuigilare libris, studio metirier horas,
 Pars vita est princeps: otia vita fugit.
 Fama vehit vigiles, sepelique obliuio inertes:
 Hoc liber explicatus, clepsydra, lychnus habens.

Ex

Calumnia dira pestis.



Hic radio leuifera racta, velut sidere, Patinaca,
 Exiit celſa pirus deciduam luxuriam comarum:
 Haud aliter vipereo vaſiloquus dente calumniator
 Attalicas vertere opes, conditionemq; potest ſuperbiam.

Inui-

Quod in te est prome.

*Ad clariss. virum Ioachimum Hopperum
Consil. Reg.*



Rimaris tundendo sinus tibi pectoris altos,
Et vitam soboli das Pelecane tuæ.
Perscrutare animum, quare in te quod latet intus:
Ingenij in lucem semina prode tui.

Calum.

Desiderium spe vacuum.




Cervina potitur rabidus Leo: suspicit catellus,
 Capiatq; rictu pradam inops opimam.
 Sic hereditis aliena vorantibus, sed ore
 Sicco, evenit, quos funeris trahit spes.

Impro-

Inuidiæ integritas assecla.

Ad Cornelium Susum Hollandiæ Præsidem.



Pa'na caput tollit caelo ardua, cuius ad ima

Rana loquax, stabulantur & hydræ.

Oppugnati procures, quorum via consona recto est,

Degeneres, atque inuida lingua.

Desi-

Vxoriarū dotes.



Illaqueata sedet pedicis, pudibundāque velas
 Vultum Venus Spartana flammeo.
 Vxorem castus pudor, & constantia amoris,
 Custodia & sui lāris decet.

Pru-

Improbè Deum fatigamus, votis vt
nostris seruiat.

Ad Splinterum ab Hargen. Eq. aur.



Latoiden Cadmæa Tyros deminxerat auro:
Gradium tenuit compede Sparta gravem:
Præpete priuarunt penna Victoriam Athene,
Quisque suis votis cogit adesse Deum.

B

Vxo.

Principum opes, plebis adminicula.



Pyramides Phariūm monumenta perennia Regum,
 Errantibus circumligat hedera sequax brachiis.
 Regum opibus firmis plebs sustentatur egenā:
 Mentisq̃ constans firmitas vires perenniter.

Scipsum

Prudentia cum robore coniuncta.

Ad clariss. virum Philippum Cobelium,
Regium Consil.



Viribus Cyllenius integris stat
Iunctus cum senio grani.
Rebur inuictum est, sapientia si
Firmes: qua sine, concider.

Cuncta complecti velle, stultum.



Ventosas pueri bullas per inane volantes
Prendere dum satagunt, opera exii inanis.
Qui varia attrectat studia, aut venatur honores
Ambiguos, pueris mihi stulior ille est.

Coër-

Seipsum vincere, palmarium.

Ad Arnoldum Sasbotum Senatorem.



Pampineis cristatus Epops, vide, ut ager ab unis,
 Munit adianti se virente ramulo.
 Se Sophiae monitis mens, serua affectibus, armat:
 Temetique vires frangit abstinentia.

B 3

Cun-

Audito multa, loquitor pauca.



Aure concipit, parit
 Mistela foetum postea in lucem ore.
 Aure dicta concipe,
 Diu at recta parcius prome ore.

Pro-

Coërcenda & extirpanda impietas.

Ad D. Iacobum Susium virum doctiss.



Hostis colubris ales insidet scepro,
Substrata quod Niloi equi premit terga.
Domat superbos, impiósque proculcat
Sceptrum æquitatis, noxiósque consumit.

B 4

Au-

Exiguo contentus, potiora sperans.



Libat rauca rosas cicada hiantes,
Clausas præterit vsui futuras.
Præsenti fruitur, suo beatus;
Et satis melioribus parat se.

Eru-

Eruditionis decor concordia, merces
gloria.

*Ad doctissimum Ioannem Sambucum
Pannonium.*



Cor pedibus iunctis, rostris concordibus aurum
Naupliada prebunt, munera sancta, grænes.
Gloria debetur studiis, atque affecta merces;
Concordæque animos candor ubique decet.

Adu-

Adulator salutis reip. grauis.



Vt Leo, quem caci vis lancinat effera morbi,
Sentit opem, si Simium edat, citam:
Palponem & dirum sycophantam qui eiicit aula,
Rex viru regnum vacuat graui.

Diui-

Diuina scrutari, temerarium.

Ad Cornelium Musium Delphum.



Immatura sitim Phœnia arcet Palma, cadens
 Sensus præpedit, & linguam matura ligat.
 Scrutans celsa Dei mysteria, lingua, animo
 Heret; at ille sapit qui vestibulum haud superat.

Virgi-

Virginem pudicitiae, matronam do-
mus satagere.



Cernuus armifera praeber Draco colla Minerva:
Domiportam at exterit Venus testudinem.
Virgo sui satagit decoris bene prouida: at uxor
Frugis silet, nec limen excedit domus.

Medi-

Medici Icon.

Ad Martinum Aedituum Medicum insignem.



Sceptriger, & lauro, baculoq; instructus æcerno,
 Quid Draco, quid Gallus vult sibi, quidne Canis?
 Imperat hic ægris, operosaque arte medetur,
 Sedulus, & fidus, dignus honore, vigil.

Fortu-

Fortunæ instabilitas.



Stare loco nescit certo Sors lubrica, sedes
 Querere docta novas.

Hinc pedibus munitam, & subnixam remige penna
 Smyrna Deam posuit.

Ser.

Sermo de Deo apertus, mens sit occulta.

Ad Ioannem Becanum Medicum clarissimum.



Persea fert linguae similes, sacra Iſidi, frondes:

Typumque cordis poma turgida exprimunt.

Sermo index animi, de numine sentit apertè;

Cor cæco operculo intus arcanum tegit.

C

Prin-

Principis calamitas, priuatorum
dissimilis.



Stat vidua quercus leto honore frondium,
Quas rapido Boreas decussit aſper turbine.
Princeps autum ſena cui reſixerit
Imperium Nemesis, tuetur is gentis decus.

Sacer-

Sacerdos castus & animi liber.

Ad Matthiam Herium.



Quid fugitas hederam manibus contingere Flamen?

Solidum quid annulum atque nodosam fugis?

Illaqueatricem Venerem vitato sacerdos;

Sis liber animi, nec mali tibi conscius.

C 2

Serò

Serò detrectat onus, qui subit.



Iugo repanda colla seruili effere
 Exuere molliter paras taure irrita.
 Serò recusat, qui capeßiit, iugum
 Connubiūque, munera & cinilia.

Idem

Idem salutis & exitij fons.

Ad Antonium Hofslach Aduocatum.



Nos necat elleborus, capris adipem auget, anique:
 Idem ignis fomes, & populator opum est.
 In fontem & fontem facundia præstat eundem:
 Nunc est exitium, nunc medicina salus.

C 3

Cele-

Celeritatem mora, & hæc illam vicissim temperet.



Quid scainno reses, obtendis testudinem & alas?
 Humum hinc premis vestigio, calce hinc calum appetis?
 Temperiem cunctis adhibe, remoram iniice: si sis
 Celer nimis, velocitate tempera moram.

Boni

Boni adulterium.

Ad Ioannem Zurenium Harlem.

Funesto Arachnen flos idem succo replet,
 Apique mella sufficit liquentia.
 Concordia litisque idem dictum est parens:
 Scriptura pravis sica, fit scutum bonis.

C 4

Vinum

Vinum ingenij fomes.



Vuiferum Bromium, volucrem sed præpete penna,
 Quid tacite posuistis Amycla?
 Tollit humo ingenium Bacchus, mentem erigit altam;
 Pegaseâque velut vehit ala.

Quære

Quære adolescens, vtere senex.

Ad Andream Osteruicum Splinteri filium.



Hinc dum viget, duro labore exercitus,
 Ephebus, hinc senex beato Copia
 Cornu fruens, opum & dapis late satur;
 Iuuenem parare commonent, vti senem.

C 5

Vene-

Veneris potentia.



Quid Cytherea polum fers vertice? vis mea scandit
 Cælum, & Ioni dat intra. quid papauera?
 Sopio corda hominum quamuis fera. roscida quorsum
 Mala? illices esse has voluptates puta.

Virtus

Virtus difficilis, sed fructuosa.

*Ad clariss. Hieronymum Tennerum, Regis
Daniae Cancellarium.*



Porum insigne geris Cybeles, dura cute opertum,
In torulis dulces cui stabulant nuclei.
Ardua vallatur duris sapientia scrupis;
Dulcibus aſt eadem fructibus illa ſcater.

Femi-

Femina improba.



Cum ruit in Venerem, blanditur Echidna marito,
Mox satura insertum præscidit ore caput.
Improba palpatur, tentigine feruida coniunx;
Continuo letum poscit anghela viri.

Malo

Malo oppressus, deterius formidat.



Clathrata cauea macerie clusa columbula
 Incuruis aquila permetuit carpiet unguibus.
 Formidat granius sollicita mente periculum
 Afflictus: capiti is ritè suo consulit & rei.

Amo

Amoris ignis perpetuus.



Hinc tēdam ut suus ignis edat teretem, vide
 Illinc ut rapido malè liquitur à rogo.
 Vise tabet amans miser igne puellule:
 Absens tabifico haud minus ulcere carpitur.

Lin-

Linguam compescito.



Pigram quid alium comprimis caua manu,
Quid uida labra, quid salax inguen Scythæ?
Abdominis studium, & granem luxum fuge,
Linguamque frena prodigam uel maxime.

Deum

Deum & ama & time.



*Mysteriis addicta Memphis ade pro sacra
Sphingem biformem dedicavit, symbolum Dei.
Amato numen ceu piis mite, ac placabile:
Rursus time, ut vindex inexorabile impiis.*

Elīgas vixit, siue victrix animi æquitas.

Ad Victorem Giselinum.



Vis Boreæ obnixas violento turbine sternit

Ornos: Arundo infracta eandem desinit.

Fit victor patiens animus cedendo furori:

Insiste, Victor, hanc viam & re, & nomine.

D

Biuium

Biuium virtutis & vitij.



Hinc luxu compta, inde situ horrida femina pugnant
 Alcidem in partes flectere quaeque suas.
 Nititur inculta hinc inga scandere se duce Virtus,
 Hinc Vitium pronos mergere deliciis.

Deum

Deum odisse impudentiam.



Pernix accipiter, pifeis, Nili incola dirus
 Equus, quid ordine harent?
 Symbolon hoc loquitur Phariæ tria verbula genti,
 Deus odit impudentes.

D 1

Iræ

Iræ malagma philosophia.



Getulus Leo non sic aliud, quàm metuit
 Tadam flammimomam, qua rabies sæua cadit.
 Sidit trux animus vel facibus luciferis
 Celestis sophiæ, aut supplicij terriculis.

Hinc

Hinc dolor; inde fuga, grauis.



Quid, Cerue, Cressa fixus arundine
Laxas habenas præcipiti fugæ?
Hæc sors amantis, quem fuga concitat:
Mentem intus exest vulnus atrox nimis.

D 3

Prin-


Princeps ne cui aures seruas præbeat.



Sublimem ære Iouis statuam, paucula aure carentem,
 Sacrarat Minoïa Creta.
 Principis est, regnum dextra moderantis habena,
 Servam ne cui commodet aurem.

Amo-

Amoris ingenui tormentum.



En ut igneum facis coruscæ lumen
 Insilit culex protervus, ac necat se:
 Haud secus suos Amans misellus igneis
 Persequens, crucem innenit, suumque finis.

D 4

Vxo

Vxoriarum virtutes.



Testudo premitur pede; clauem dextra retinet;
 Vacat obstruendo denarium septo altera.
 Ne vaga discursset coniux, non futilis esto;
 Ipsamque cura opum tuendarum addecet.

Nec

Nec igni; nec ferro cedit.



Bipennis hinc, fax inde vinum ignem vomens,
 Nexum adamantæ suo decussat annulum probè.
 Fortis animus, constansque victor omnium,
 Despuat intrepidus pericula & sanas cruces.

D S

Venter

Venter, pluma, Venus laudem fugienda sequenti.



Quò fugitina ruis, quémue auersata relinquis
 Gloria clara virum?
 Descro suffultum pluma, Venerisque ministrum,
 Mancipiūque gule.

Veritas

Veritas tempore reuelatur, dissidio
obruitur.



Quid penniger Saturne in auras virginem nudam rapis?
Quid seminarum cœtus ag gesta obruit terra scrobem?
Specu emicantem Veritatem, Temporis natam, triplex
Obrudere pestis apparat; Lis, Inuidia, Calumniatrix.

Discor-

Discordia exitialis.



Sanguineam quatiens hastam, caput horrida echidnis
 Folle focum subigit, flamma unde fumusq; exsilit.
 Exitiale parens animat discordia bellum,
 Improba lingua mali, cadisq; seminarium est.

Can-


Candor ingenuus.



Exforbet sanien huiusmodi atra musca:
 Mel dulce haurit apes thymo ex amaro.
 Doctos ingenuus decere candor,
 Obrectatio lividos putatur.

Animi

Animi scrinium seruitus.



Luscinia veris nuntia,
 Mutescit inclusa cauea.
 Est seruitus scrinium animi,
 Linguamque vinclo prapedit.

Locu-

Locuples satellitium diuitum.




Et pilis horret, tractaque obserpit iūlus
 Arquato, ac praefert agmine mille pedes.
 Ansati incedunt proceres, glomerantque superbos
 Gressus; assequitur longa caterna comes.

Assi-

Affiduitas duri victrix.

Ad Petrum Iunium filium.



*Fistucas auro triplices, monumenta laboris
 Continui, semper Susia gens coluit.
 Assiduus labor, & sollers industria, quid non
 Edomat: huic cedunt omnia, dura liceo.*

Filio

Filio suo Petro Iunio.

En tibi quas, fili, genitura confecro testes
Ceras, aucturas nomina amicitiae.

Petram imitare iuuentus.



Sperne voluptates, Iuuenis, constanter; ut iras
Ventorum, assultusque maris Marpesia cantes.
Nate, tuo lepidè ludens in nomine, dictas
Symbolico elogio, tu, Petram imitare Iuuentus.

E

Penna

Penna beat cælo, Penna volare facit
Astra super.

Ad Iacobum Blondelium.



Oculata, pennis fulta, sublimem vehens
Calamum aurea inter astra Fama collocat.
Illi tre claris surgit è scriptis decur,
Peroque perpes vertice alta sidera.

Fuge,

Fuge, Tace, Quiesce.

Ad Antonium à Burgh, virum ornatissimum.



Quid monet, inde fugam celerans: hinc indice Labra
 Harpocrite: signans: hinc carpens otia deses?
 Vrbe procul, voti exiguus, fuge latus honores,
 Otium ama placidum, nec tua silentia rumpe.

E 2

Audi,

Audi, Tace, Fuge.

Ad Cornelium à Burgh. A. F.



Quid signant, pandens vanni instar laxius aures,
 Harpocrates tacitus, insidiásque cauens?
 Multa audire quidem, sed parce audita referre,
 Utq; tibi cauens prospiciendo, monent.

AD

QV AE ratio Athenienses olim monit, ut cum publicis execrationibus sancirent; ne quis ulli unquam via ignaro indicium denegaret; ea nos quoq. adducti nonnihil operæ sumpsimus in Emblematum nostrorum origine, usûque ostendendo: ita tamen, ut interea quàm minimum à vera eorum ratione & natura recederetur. Non enim ignoramus, eò plus venustatis, & gratiæ istiusmodi scriptis accedere, quò ingenium acuiunt magis; hoc est, quò suspensum diutius & sollicitum Lectoris animum tenent; maioresq; postea, quàm intelliguntur, cum voluptate in sui admirationem rapiunt: præsertim cum aptè subtiliterq; inuenta solidi quid & præclari incunda obscuritate, quasi obtento velo, tegunt. Itaque, etsi amicorum nonnulli melius legentium aviditati consultum iri putarent, si unicuique symbolo sua interpretatio statim subiungeretur: nos satius tamen esse indicavimus, ordinem planè diuersum sequi: & alteram quasi operis partem ipsum facere commentarium; qui hariolandi, coniectandique palma prius in medio posita, aut bene indicantibus deinde succinat, aut minus assequentibus facultatem intelligendi subministret, ductorisq; vel, si ita placet, interpretis vicem subeat. Idem de enigmatis consilium secuti sumus, in quibus ea quæ ibi præfati sumus, hærentem facile expedient. Vale.

MOMVS reprehensionis conuiciiꝑue Deus
 apud priscos fuit habitus, quando etiam vitiis,
 moribꝑue, & multis etiam pestibus ſua illi præ-
 fecerunt numina. Hunc Heſiodus poëta in
 Theogonia Noctis filium prodidit, abſque geni-
 tore: quo fit vt nonnulli ſecuti fidem editionis
 Venetæ longè omnium mendofiſſimæ, lapſi ſint;
 Somnum parentem illi attribuentes. Erroris oc-
 caſionem dedit vox, *ὄννι*, quæ, nemini, ſignifi-
 cat, eamꝑue lectionem interpretes Græci agne-
 ſcunt, & ſequuntur: cū alij legiſſe videantur,
ὄρνι, id eſt, cui, vt referatur ad ſomnum, non
 animaduertentes, quòd hunc Nocte editum fuiſ-
 ſe dixerit, quodꝑue inceſtum matris cum filio in-
 uecturi ſint. Cur autem fabuletur Noctis filium
 Momum, ſine patre; hanc mihi perſpexiſſe ra-
 tionem videor, um quòd vitilitigator in altiffima
 ignorantia atque errorum caligine verſetur, &
 luce ingenij defectus ſtudioꝑue aliena reprehen-
 dēdi nihil ipſe rectum gignat, ſed emiſſiſſis ocu-
 lis aliena peruideat: tum quòd ex occulta & abdi-
 ta ratione illa carpendi libido naſcatur. Sine pa-
 tre verò, quòd incerto auctore & è vulgo ple-
 runque oriatur iſtud reprehendendi calumnian-
 diꝑue ſtudium; quomodo vulgo conceptos dici-
 mus, qui certum patrem demonſtrare non poſ-
 ſunt. Ob ſuperiorem rationem etiam ſuſcum &
 coloris muſteliſi faciem pictura illi tribuit, addi-
 tis nigris & dentibus & vnguibus, qui maledicen-
 tia

tiæ symbola sunt, iuxta illud Epigrammatarij:

Nigros contorsit lividus unguis.

Idem alatus pingitur; quod reprehensione, ac maledictis nihil perniciousius; quæ facillimè emittuntur, citissimè excipiuntur, & quaquaversum latissimè diffunduntur, ut sensit Cicero pro Plan-
cio. quò spectat & Alcæi versus:

Μόμος λαιψήρας ἐξέφυγεν πτέρυγας, id est,

Pernices Momus pennas effugerat unus.

Epigrammata Græca Momum effigiant senem subiecta manu fulcientem calua tempora; quæ species innuit senile plerunque esse reprehendendi vitium; eoque morbo laborantes vici-
litigatores, cogitabundorum more, meditari semper accomminisci quod carpant. Adiungo illi & Invidiam individuum comitem: hoc consilio, quòd æmulatio fermè accendat foueatque istud vitium. Fabula notissima est ex Luciani Hermotimo de sectis, quam compendio recensebo. Nata inter Palladem, Neptunum, & Vulcanum contentione, quis utilius opus monstraret; Neptunus taurum, siue, ut alij, equum velut arationi vecturæque accommodum in primis animal in medium statuit: Pallas domicilium ostendit, cuius usus contra iniurias aëris omnes inserviret: Vulcanus fictum hominem pro facilè præstantissimo opere exhibuit. Delectus arbiter Momus, præter alia quæ carpsit, caussatus fuit in hominis opificio præteritos fuisse ab artifice clathros, seu

fenestellas, pectoris parieti inferendos; per quos, ne quid occultum lateret intus, introspecti posset. Idem etiam Veneris sandalium, ut argutum nimis atque loquax, calumniatus fuisse legitur. Porro nihil in vita mortalium tam numeris omnibus absolutum, tam doctum, tam rectè factum inuenias, quod non innatus Momis quibusdam calumniandi & carpendi morbus conuellat, aut saltem incessat: adeò procliuius fuit sæculis omnibus *μωμίζεν ἢ μωμίζεν*, id est, Momum quàm minus agere. Itaque tum hunc ad sensum refertur Emblemata, quod reprehensioni obnoxia sint omnia: tum etiam ad id quod prudentissimè doctissimeque dictum à Socrate memorat Vitruuius: oportuisse hominum pectora fenestrata & aperta esse, ne occultos haberent animorum sensus; sed ad considerandum patentes: siquidem corde nihil sinuosius, nihil insidiosius fabricata est natura, ut solius Dei sit sensus & cogitata hominis inspicere atque pernoctare.

Pictura. Senex pingatur caluus, colore fusco, liuidis dētribus vnguibusque, alis supra humeros exstantibus, læua caput sustentans cogitabundi in morem, dextræ indice extento versus effigiem quandam hominis, clathratum pectus habentem: adstant procul Pallas cum domicilio: Neptunus cum equo: proximè illum Vulcanus cum homine suo, ita ut simulachrum hominis clathratum diuersum sit ab homine Vulcani, velut Momo: des-

designante, talem oportuisse fingi. Quod ad
 picturam Deorum attinet, ita semel statuo: Ne-
 ptunus nudus pingatur, capillitio cæruleo, altera
 tridentem complexus, altera manu equum ha-
 bena tenens, pede delphinum premens. Vulca-
 nus atro colore ut faber, rugosus propter assiduos
 ad incudem labores, læua malleum tenens, dex-
 tra hominem à se fictum commonstrans, clau-
 dus, capite præferens pileum cæruleum, cuius-
 modi fermè figura spectatur Ducis Veneti tiara.
 Palladis effigiem dabo Emblemate 15.

Emblema I I.

*Carmen est Heroicum cum dimetro Iambico,
 quale illud Horatij;*

Nox erat, & cælo fulgebat luna sereno

Inter minora sidera.

S V S animal est infestissimum Elephanto, ut
 que adeò ut vel solo illius stridore atque grunni-
 tu audito, immanis illa bellua in fugam agatur;
 id quod hostilia tela facere nequirent: unde in-
 sulsum illud Mahometi, plani & impostoris per-
 ditissimi commentum, risum quibusvis commo-
 uere possit, prodentis olim diluuij tempore in arca
 Noæ suem elephanti sterquilinio genituræ suæ
 originem acceptam referre, ut ex eius fimo ena-
 tum. Sed ut hoc ridiculum, quippe ab homine
 rerum naturæ ignaro proditum; ita illud confir-
 mat auctorum vnanimis consensus: si quidem
 præter Plinium, Orum, Zoroastrem, Senecam,

E s

Aelia-

Aelianus libro De animalibus primo, suis stridore minimo terreri elephantum locuples testis est: quæ ratione cognita Romani commisso cum Pyrrho Epirotarum rege prælio, victores exstiterè; cùm elephantes eius regis obiectis suis in fugam compulissent. Memorabile adeò est nec silentio oblitterandum, quod à Megarensibus factum proditur, eodem auctore lib. 16. c. 36. quòd cùm ea vrbs arctissima obsidione ab Antipatro Macedone pressa, acerrimè oppugnaretur; oppidani sues liquida picè perlitos prius, admotæque flamma succentos in hostilem exercitum immisere; qui depascente iam illorum corpora incendio, latè grassantes, ac horribili stridore in confertum elephantorum agmen delati, belluas velut in rabiem concitas disturbatis ordinibus in fugam verterunt. Huc faciunt verba historici, quæ nobis integra seruauit Suidas in hunc sensum; E vestigio appensa de turri sue, periculum quod ab elephâte ingruerat, euitarunt. siquidem atrocem grunnitum cùm mox edidisset suspensus porcus, elephas id non ferens inhorruit. Illud verò tanquam controuersum ambigi potest, natiumne sit quoddam atque intestinum inter hæc animalia dissidium, cuius caussa mortalium ingeniis sit incognita; an quod raucum illum stridorem, vocemque auribus asperam natura exhorrescant, cuius rei gnari, qui pullos elephantum educant, iam inde à primis annis sues adhibeat.

bent, vt affuetudine paulatim mali illud vincant. D. Amb. in Hexaëmero videtur istud referre ad prærogatiuam quandam à natura singulis animantibus donatam. Suis apertissimè comparantur non insulsi modò, & à Minerva alieni homines; verùm vel maximè lingulacæ, & à rabie non malè dicti rabulæ, qui cælum terræ miscent: Item parasiti, quibus similiter, vt suis, anima pro sale data videri potest: quod olim venustè dixit Cleanthes: qui omnes si à regijs exsularent, rectius cum rebus humanis ageretur. Pictura poscit elephantem auerso capite, & crispata promuscide fastidiosum: Suem contra elephantum impudenter obsistentem, ac retracto rictu grunnitum mentientem.

Emblema III.

EMBLEMA, nisi fallor, ab illustrissimo Cardinali Grauellano ANTONIO PERENOTTO vsurpatum, elegans cum primis, & illustri laborum eius, virtutumque heroicarum asseccla, rectèque factorum comite Gloria dignissimum. Videtur autem heros ille, cum omni posteritate nominis sui memoriam qui adæquauit, innuere voluisse, ingentes, ne dicam perpetuos esse exantlados labores, Herculis ritu, ei qui aspiret ad amplissimum illud Virtutis præmium, Gloriam videlicet, quæ concors est & consentiens bonorum rectè iudicantium atque incorrupta laus, eaque perennis; quæ cum vitæ breuitatem, tum iuges laborum

laborum periculorumque molestias sempiterna posteritatis commemoratione solatur, hominibusque per suos veluti gradus ab humo in cælum adscensum præbet; vsque adeò illa altissimi cuiusque & optimi animum noctes diesque exstimulat, accendit, atque concitat, vt per labores ad honestissimum illum veræ virtutis fructum, eundemque immortalem peruadat: (nimirum exultat hinc popularis illa fama, adumbrata quædam illius imago.) Sic ante Salaminem ipsam à mari obrutum iri hariolatur non falsus Cicero, quàm Salaminij tropæi, quod Themistocles erexerat, memoriam: priusque Leuctra Bœotix funditus interitura, quàm Leuctricæ victoriæ duce Epaminonda partæ gloriam. Neque verò huius loci est, aut temporis effusioribus habenis in istius heroïs labores, atque inde natam mox gloriam prouehi; cùm singularibus ea commentariis debeantur. Pictura autem passim obuia est, vbi ligonem, qui fodiat orbem terrarum, anguis mordicus suam caudam ore tenens circumplectitur: eumque ipsum serpētem laurea corolla medium ambit.

Emblema II II.

Carmen est Asclepiadeum monocolon, quale est illud Horatij:

Mæcenas atavis edite regibus.

NATIVVM dissidium atque internecinum bellum esse Feli cum fugace Murium gente, vsque

que adeò vt etiam cinere eius animalis diluto fugari abigique mures sit proditum, nemo est qui ignorat: nimirum à natura doctam videmus, suspensis alto silentio vestigiis, occulto quæ speculatu, & certo caudæ quam vibrat libramine, in musculos exsilire: vt nunc inanem ac superuacuam sim collocaturus operâ, si in re clarissima disertus esse velim. Monet autem symbolum, cuius meminit Suidas, nimia licentia & impunitate proposita insolescere homines. Metus supplicij scelerofos in officio continet: quo amoto aut negligentius obito, increfcit ferocia & sceleratè agendi libido. Verissimè dictum est in Miloniana, maximam illecebram esse peccandi, impunitatis spem. Pictura postulat geminas muscipulas, quibus inclusæ sint feles, murium agmine liberè choreas circumquaque ducente.

Emblema v.

N O N hîc de ea vigilia nobis sermo est, quam toto triennio passus fuisse legitur immortalis ille omnium scriptis Mæcenas, qui Somni molli-
tiem nullis potuit libaminibus, nullis victimis flectere: sed de ea quæ Demosthenē coryphæum & principem oratorum fecit, qua antelucanas fabrorum operas præuertere magna cum ambitione consueuerat: Sed de ea qua Iulianus Imperator noctes dispartitus fuit in triplicia officia, quietis nimirum, Reipub. & Musarum: Sed de ea qua Alexander Magnus subiecta brachio ænea con-
cha,

cha, tinnitu complosæ peluis, vbi pilam argenteam manu tractatam remisserant nerui sopore laxati, euigilare solebat: Sed de ea quam reuera vitam vocat Plinius; quæ in iis præcipuè viget, in quibus animus in quies opere pascitur: id quod de te dici patientibus auribus non abnuet. Vigili vigilantissimè, qua duce tot prouinciarum commodis assiduè inuigilasti hætenus non sine valetudinis dispendio: qua tot iam annis magna cum laude Præsidem consilij egisti, partaq; immortalis gloria tibi tuisq; eam facè præluxisti, cuius nunquam intermoriturus sit fulgor, eodem, quo orbis terrarum, termino inclusus. Proinde, qui veræ gloriæ amore ducimur, id nos ope summa contendere decet, vt & Reip. & in commune consulendo, testemur nos pluribus horis vixisse, & somno temporis furi, aut (vt Ariston aiebat) publicano mediam vitæ partem interuertenti, portionem deduxisse. Frugi nanque temporis cum laude dispensatores, à morte etiam fax immortalis, veræ virtutis assecla gloria, nunquam extinguenda comitatur. Symbolum Viglij vulgarissimum pingendum erit, quo hinc liber explicitus diligentia, illinc clepsydra temporis parcè admetiendi argumento, atque horum in medio lych-nuchus cum ardente face, posthumæ gloriæ testimonio, Libitinæ imposita simul omnia exprimenda venient.

Emblema VI.

*Hexametrum est carmen cum Dactylico Simonideo,
pentametro acatalectico, quale memoratur
illud à Servio Honorato;*

Parthenopæus erat puer Arcadiæ decus.

PAUSANIAS in Atticis scribit Athenis ex-
stare Pacis simulachrum, Plutum filium gestan-
tis: quod iterum repetit in Bœoticis ingeniosè
fabrefactum à Cephisodoto statuaria scribens.
Est autem Plutus siue Pluto diuitiarum deus:
quanquam diuersissimos hos esse annotat Lilius
Gyraldus, manifesti erroris conuictus vel ipso
Pausania iudice: apud quem priore loco Πλούτων
ἀπαῖδα legas; posteriore Πλοῦταν, eodem sensu:
Siquidem Plutonium ideò præfecit diuitiis anti-
quitas, quòd ex imis terræ visceribus, imò ab ipsis
inferis petantur opes. Non absimili ratione The-
bis primaria Bœotix vrbe, Fortunæ statuam po-
sitam legimus apud eundem auctorem, Plutum
puerum gestantis, innuere volente artifice, For-
tunam matrem esse aut alumnam diuitiarum.
Quod ad picturam attinet: Pax femina pingitur
nitido vultu, adspectu pulchra, oleagina corolla
redimita, læua Amaltheæ cornu omni fructuum
genere redundans, dextra Plutum puerum te-
nens, claro symbolo, quòd non è bello, sed benefi-
cio pacis crescant opes. Plutus autem puer pingi-
tur volucer, aureus totus, oculatus, teste Philo-
strato in Imaginibus: nam cæci Pluti significa-
tio, vt

tio, vt ominosior, ab hoc loco excludenda est.

Emblema VII.

PELECANVM, quem à rostri magnitudine
ῥάμφιον nominat auctor *νεῖρενίδων* anonymus, a-
 uem paludibus Aegypti peculiarem tradit, prolis
 suæ amantissimam, quæ pullorum suorum pro-
 teruiam atque impietatem merita morte ulta,
 mox facti pœnitens, pertusolatre suo, pullos
 mortuos vitali sanguine, quo animantur, irrorat.
 quod ipsum præter Isidorum commemorat D.
 Hieronymus, non eadem tamen fide; quippe
 qui pullis à serpentibus enectis id officij præ-
 stari dicant, cùm ille ad iniuriam parenti illatam
 hoc referat. Nihil virum ingenuè litteratum ma-
 gis addecer, quàm citra omnem dissimulationem
 nihil occultum premere, quod vsui & comodo
 esse queat; ita se suasque operas commodare, vt
 appareat effusum benignitatis sinum nulli, nisi
 prorsus à Gratiarum limine peregrinus ille sit,
 claudere velle. Callimachus Hecalen *φιλοξενίας*
ἀκλήστον *σεῖν* habuisse testatur. Cimonis Athe-
 nientis ædes Laciadis suis patuere: Musarum fo-
 res semper apertæ etiam, prouerbio teste, inno-
 tuerunt: Vir & litteris & humanitatis artibus im-
 butus, vt illic; ita hic quod æmuletur gnauiter,
 inuenit: vt nedum benignitate priuatim commo-
 dus sit; sed & officiis publicè, vt Reipub. litera-
 riæ, vt patriæ, vt amicis, vt viris bonis profit. Is
 itaque penetralia rimatur sua, nihil abscondit,
 ingenij

ingenij dotes, quæ varias ad res à munificentissimo bonorum largitore Deo unicuique tributæ sunt, non modò non supprimit, sed claram in lucem profert, totum se denique effundit. Talem te, Hoppere Iureconsultorum coryphæe, præstas communi patriæ; talem amici agnoscunt, talem te Respub. literaria sensit: & nisi concatenatorum laborum, otium illud Musis sacrum interpellantium, circulus, Principum curis inuoluisset, locupletius sentiret, immortalibus fecundissimi ingenij fructibus fruitura. Picturæ ratio notior est, quàm vt in ea operam collocem explicanda.

Emblema VIII.

Carmen est Choriambicum, Callimachium, constans tetrametro & amphibrachyo siue bacchio, quale est illud:

Armipotens Mars genitor Romulida, te venias precamur.

P A S T I N A C A ispiscis est, quem Græci τεύχνα, interpretes plerique omnes Turturem perperam appellant: Hollandis nostratibus, ab aculeata iaculi in modum cauda, *pylstaert* nominatur. huius radius (aculeum ita vocat Plinius) tam lethalem præsentanei que veneni vim habet, vt arboris quantumvis ramosæ, ac vegetæ, & amœnissimo frondium virore florentis caudici infixus mox folia defluere faciat: quo amisso honore, truncus quoque celerrimè exarescit, neque multò post sideratæ, atque è solis immenso ardo-

F

re, so-

re, soliꝓue squalore exsiccatae arbor sit similis. Plinius lib. 9. cap. 48. & lib. 32. cap. 2. huiusce rei fidem facit, nullum vsquam execrabilius venenum esse asserens, quàm sit radius in cauda pastinacæ eminens, qui radici infixus arbores necet. hoc telo patrem Vlysssem interemit Telegonus, accepto à Circe matre exitij indicio: quam rem graphicè describit Oppianus in Halieuticis, in hanc fermè sententiam utcunque versibus à me expressam:

*Nil Trigonis diro radio exitialis vsquam est:
Marta non tela, aut nigri qua lacte veneni
Spicula Achamenidum tinxit gens aspera bello:
Vbere stet quamuis fœtu, & frondentibus arbos
Luxuriet ramis, vernòque virescat honore;
Vulnere si tristi radicem punxeris imam,
Mox labat omnis honos, coma defluit, ipsa decorè
Exuit hinc viridem crudeli saucia tabe.*

Non minùs præsens virus habet exitialis ac pestifera delatoris lingua; quæ florentes dignitatibus euertere, fortunisꝓue omnibus exutos, ad incitas redigere potest. Pingatur itaq. prius florens, eiusꝓue trunco affixa adhæreat pastinaca: sed ita ut radius ille, de quo diximus, caudici impressus clarè videri queat.

Emblema IX.

Carmen est Heroicum Archilochio tetrametro catalectico comitatum.

PLUTARCHVS in libro, quem De silentibus

bus Pythiæ oraculis scripsit, commemorat Corinthi in Oeco (quod ædificium à Cypselo tyranno consecratum fuerat) inter templi anathemata exstitisse Palmam æneam, cuius ad radices insculptæ viscebantur ranæ & natrices, hydros vocant. Emblemate isto, tametsi ad diuersum sensum ibi torqueatur à Diogeniano, innui existimo, à vitiligatoribus (libenter enim Catoniana voce cum Plinio vtor) obstreperis ac maledicis inuidorum linguis, exitiali veneno armatis, imperi illorum vitas, qui non obliqua, sed recta ratione ad dignitates rerumque fastigia emergunt, dissimiles Rufini, Eutropij, eiusque farinae aliorum, prauis artibus diuitias & honores aucupantium: quorum conatus omnes cõtendunt, vt euerfos fortunis omnibus exuant probos & innocentes homines, cum isti innocentia sua freti, calumniatorum latratus & inuidorum molimina sublimes facillè despuant. Palma ardua, primæque nobilitatis arbor est, onerumque grauium victrix, frondibus nunquam vidua; quæ opibus honoribusque pollentes aptissimè exprimit: cuius ad radices positæ visuntur ranæ (quarum rauca illa & odiosa coaxatio nulli ignota, calumniatorum significationem haud dubiam habet) & hydri, nullis serpentium veneno inferiores, si Plinio credimus: per quos virulentus inuidorum alienam famam incessentium sibilus denotatur.

Emblema x.

*Logædicum Archilochium, Ichthyphallicum Marinus
Plotius nominat, cuiusmodi est illud Flacci:*

Soluitur acris hyems grata vice veris & Fauoni,
Trahuntque siccæ machinæ carinas.

PINGATVR Leo otiosè recubans in gramine non procul ab armento pascente, raptæ prædæ mordicus inhærens: ita enim solet ex omni numero, quantumvis ingenti fame stimuletur, vnum pecus diripere comedendum: adstet illi Canis limis feram suspectans, & prædam ingratæ (quod dicitur) oculis frustra deuorans. Symbolum optimè quadrat in heredipetas, qui alienis funeribus inhiant, & per mortes incerta spe bona aliena captant, sæpius delusi, vt iuuenis ille apud Lucianum in dialogis, quem mors inopina ante senem, cuius funeri propter summas opes imminabat, rapuerat. Competit & in quosuis, qui ambitu tenentur, & sacerdotia aut honores ab aliis possessos venantur.

Emblema xi.

MEMORIAE proditum est à Diodoro Siculo Bibliothecæ decimo septimo, & à Q. Curtio, Tyrios eximia religione coluisse Apollinem: cuius numen sibi tutelare vt propitiarent, sibi que modis omnibus conciliarent, tempore obsidionis, quam grauem & funestam ab Alexandro Magno experti sunt, simulachrum eius Dei aurea catena basi columnæ, cui insisterat, alligasse, vt ille scribit;

bit; aut vt alter, aræ Herculis vinculum illud inferuisse, velut illo Deo Apollinem retenturos. Similiter Pausanias in Laconicis refert, peruetustū Spartæ exstare simulachrum Martis compedibus irretiti, quo vinculo proprium sibi ac Reipublicæ perpetuum bellatorem illum Deum, nec vnquam suæ vrbs desertorem futurum, velut in peculio obligatum, voluerunt. Neque aliorum Victoriæ deam, cui pennas dedit, volucremque finxit antiquitas, ἄπτερον inuolucrum, alisque orbam & fano & statua decorarunt Athenienses, augurantes perennem ipsis fore Deæ præsentiam, negatis illi alis quibus auolaret. Gentilitatis deliræ somnium istud fuit, nimis quàm superstitiosum, existimantis quali quali honoris obsequiique lenocinio, Deum in vota nostra, eaque perfunctoria & inutilia pellici, ad modum pueritiæ, quæ crepundiis deliniri capiique solet; atque ita in ordinem cogi posse. Quare stultum est, ne dicam impium ac profanum, putare diuinum numen toti mortalitati iuuandæ comparatum, tam pusillum esse & otiosum, vt palpationibus tantum non nostris ac veluti poppyinis titillationibusque cedat & expugnetur. Pingantur tres isti dii seorsum in templis concameratis. Apollo catena aurea columinæ alligatus: cætera peculiaria indicia Fulgentius & Cornutus ista tradunt; nempe vt pingatur iuuenis, imberbis, capillo promisso aureoque, laureo ferto redemptus, cum arcu &

sagittis in dextra, citharam tenens læua, cum Cor-
uo aue illi sacra adstante. Mars sit compedibus
vinctus, alioqui loricatus, galeatus, pugione ac-
cinctus, flagellum manu tenens, ut Albericus
philosophus scribit; altera clypeum, nudo pecto-
re, ut Isidoro placet, cum lupo animali ipsi sacro,
aut gallo, secundum alios. Victoria, quam ap-
teron, id est inuolucrum dixerunt Athenienses, pin-
gatur sine alis, virago, ut solet, dextra manu pu-
nicum malum tenens, læua cassidem: nam hac
specie colebatur Athenis, ut Heliodori testimo-
nio confirmat Harpocration: posteri deinde scul-
ptores alas illi iunxerunt, nimirum Bubali pater
Antherinus; aut, uti Aristophanis scholiastes vult,
Aglaophon Thasius pictor; quam alis aureis or-
nat Comicus Aristophanes illo versiculo:

Αυτὴν αὐτῶν τῶν νικῶν πτερόεντα χρυσῶν,

Mox aureis pennis volat Victoria. Exstitit & Ro-
mæ simulachrum Victoriæ alis viduum, quæ cæ-
litus tactæ defluerant; in quod Pompeij titulo
epigramma legitur, in hanc sententiam:

Roma caput rerum, nunquam tua gloria obibit:

Nam victrix Dea te haud deseret inuolucris.

Emblema XII.

*Carmen est hexametrum, cui associatur Alcmanii
constans trimetro brachycatalectico, ut est illud:*
Spernis decoræ virginis toros.

SPARTAE in templo Veneris armatæ con-
signationem fuisse extructam, quæ Veneris co-
gnomen-

gnomento Morphûs, à forma (vt apparet) dicta,
 numini fuerat sacrata, memorat in Laconicis
 Pausanias: simulachrum erat ex cedro factum, se-
 dentis habitu, compedibus vinctæ, caput obnu-
 bente flammeo, siue calyptra; addit Tyndareum
 Dioscurorum patrem pedicas illas adiungi cura-
 uisse, fidei symbolo, quam maritis deberent vxo-
 res arctissimam: tametsi illius infelicitas in filia-
 bus prostituta pudicitia macula famosis, à Ste-
 sichoro Lyrico prodita, satisque decantata est.
 Porro compedes indissolubilis vinculi coniugalis
 & arctissimi amoris significationem habet. Flam-
 meum verò (quod luteum est capitis velamen-
 tum) & pudoris argumento capiti imponitur, &
 fausti ominis ergò, ceu cōnubij indissolubilis. Il-
 lud de pudore declarat Claudianus in raptu Pro-
 serpinæ, ibi:

Flammea sollicitum praelatura pudorem.

& Lucanus Pharsalidos lib. 2.

Non timidum nupta leuiter tectura pudorem

Lutea demissos velarunt flammea vultus.

Postremum confirmat flammei vsus assiduus fla-
 minis vxori, cui diuortium facere nulla ratione
 leges permittebant. Sedens autem meritò pingi-
 tur, vagæ Veneris odium insinuans. Pingatur
 Venus subsellio insidens, pedicis constricta, vul-
 tu flammeo obtecto, nuda, dextra Cupidinem
 videntem complexa, sinistra tria mala aurea fe-
 rens: adstent illi geminæ columbæ aues illi sacræ,

Cornuto teste, cum propter puritatem, tum propter illices blanditias, quarum indicium facit frequens harum auium suauitatio: nihil autem magis decere honestam matronam, quam velatam conspici, vult D. Clemens Alexandrinus, exemplo Creusæ vxoris Aeneæ, quæ ardente iam patria nondum abiecerat curam velaminis.

Emblema XIII.

Carmen est Sapphicum prapositum Glyconio, quale illud Boëtij:

Cum polo Phœbus roseis quadrigis
Lucem spargere cœperit.

SYNESIUS libro de Regno administrando ad Arcadium, vel, vti Nicephorus vult, ad Theodosium iuniorem scripto, negans in viribus solis positam esse felicitatem principis, eam prædicat esse absolutam omnibus numeris vitam, quæ potentiam prudentiæ consociat; quæ res coniunctæ robur inexpugnabile conciliant; disiunctæ verò inualidum & inutile: quando videlicet aut robur prudentia sit destitutum, aut prudentia viribus defecta. Quapropter, inquit, sapientes A Egyptios in hoc sum admiratus frequenter, qui geminum Mercurij simulachrum simul constituunt: alterum iuuenta florentis, alterum maturo senio venerandi: volentes innuere, cum qui rectè Rempublicam aut regnum sit administraturus, coniunctam cum prudentia fortitudinem habere debere, quasi alterutrum inutile sit absque alterius ope.

ope. Neq. alia de caussa Sphinx apud illos pro re-
plorum foribus posita visitur, & quæ sequuntur
infra XLII. emblemate recitata. Huc spectat
Hor. illud lib. 3. Ode 4.

Vs consili expers mole ruit sua.

Vim temperatam Dii quoque prouehunt

In maius: iidem odere vires

Omne nefas animo mouentes.

Eandem sententiam comprobat Isocrates ad De-
monicum scribens: Robur cum prudentia con-
iunctum prodest, qua sine plus habenti incom-
modat. Quod ipsum & Milonis Crotoniata ex-
itus abundè docuit.

Emblema XIV.

*Hexametrum versum sequitur Aristophanium me-
trum tetrametro brachycatalectico absolutum
seu Tetrametrum Colurum: ita namque à
Mario Plotio, cuius libellum de metris ali-
quando inuulgabimus, nominatur, quale
est illud:*

Marcæ lucernæ, sol propinquat, non tamē vocas.

PYRAMIDES, quas otiosam ac stultam re-
gum Aegyptiorum pecuniæ ostentationem no-
minat Plinius, vastæ fuerunt & insanæ subtru-
ctionum moles, aliquot soli iugera complexæ,
partibus fermè quatuor angulorum lateribus ab
imo in acumen desinentes, sic dictæ, quòd in ignis
speciem, in conum extenuentur; quarum fasti-
giata excelsitas paullatim gracilescens, umbras

F S

quoque

quoque consumit, ut præter Solinum Ammianus scribit libro 22. Fuisse eas regum Aegypti monumenta, & inter septem orbis miracula habitas tradit Gæographus Strabo. Quia verò inconcussa vel maximè, stabilissimaque inter omnes figuras figura quadrangula, Galeno teste, habetur, hinc est quod monarcharum aut regum fortunas huic comparari appositè credam: aut etiam constantis animi virom; qualem describit Q. Catulum Cicero, quem neque periculi tempestas, neque honoris aura potuit vnquam de suo cursu, aut spe, aut metu dimouere. Priori rationi hedera aptè conuenit, utpote sese ipsa sustinere prorsumque serpere impotens, ni pedamenti adminiculo vtatur, ac flagellis suam muniat imbecillitatem. talis est plebis ac minoris conditionis hominum status, quibus principum opes fulcramento sunt & ornamento. Neque posteriori rationi absonus est viuax & perennis huius plantæ viror: quippe cum magnanimi & fortis viri, qui humana omnia premit, & ad omnes casus inflectum gerit animum, laus cum æternitate ceter, perpetuè victura. Diuersa planè hic ratio est hederæ arborem scandentis, ut quæ solet succum viresque illius omnes in se rapere ac demum enecare: quod in eos quadrat qui alienas opes sub titulo & prætextu patrocini in se corriuant, atque emungunt. Aliter etiam Marcellinus lib. 15. hederæ comparisonem ad opulētos transtulit, apud Impera-

Imperatorem delatos, qui præsidia potiorum pul-
 sabant, iisdemque tanquam hederæ excelsis ar-
 boribus adhærentes, absolutionem precibus mer-
 cabantur. Sunt qui emblematis huius significa-
 tionem calumniati, ad creandam principi cuidam
 viro, qui hoc symbolo utitur, inuidiam, eius sen-
 sum aliò detorserunt; velut qui circumlèssum te-
 nuerit Galliarum Regem. & hederæ instar cir-
 cumplicatum, ne quis ad eum pateret aditus sine
 ipsius assensu. Sed istud quid aliud est, quàm ge-
 nūinum Emblematis sensum corrumpere atque
 peruertere, & animam illi adimere?

Emblema. xv.

Heroicum cum Iambico trimetro.

V P V P A auis est cristata, plumis in capite
 instar cristæ plicatilis subrectis, quam Galli, *une*
hupe appellant: Hanc scribit Orus, vbi senserit ex
 vuarum, quas appetit summopere, esu nimio no-
 xam se incurrissè, decerpta adianto herba, quam
 officinæ capillum Veneris nuncupant, mederi si-
 bi, ramulumque eius herbæ ore circumferentem,
 obambulare. Quibus remulencia valetudinem
 concussit atque labefactauit, ij abstinentiæ ramu-
 lo se lustrent. Qui affectibus violentis tyrannis,
 aut (vt voluit Plato) loris restibúsve nos vltro ci-
 troque in diuersos motus trahentibus, obnoxij
 sunt; ij à diuinis placitis & verbo diuino reme-
 dium petant, & mentem, quæ passionibus illis
 animi turbidis, tanquam regina quæpiam impe-
 rare

rare debet, obmuniant: quæ victoria primaria est & potissima, seipsum vincere.

Qui peccata sua ritè expiari cupiunt, lustrent se lachrymarum adspergine & immerfabili pœnitudinis ramulo.

S. V. A. D. V. S. T. A. C. E.

Emblema xvi.

Metrum hexametrum, cui subiungitur dactylicum Stesichorium, à Stesichoro, cui familiare fuit, nomen sortitum, constans pentametro acatalectico; quale est illud à Servio Honorato recensitū:

Marſya cede Deo, tua carmina flebis.

PINGATUR puerorū grex geminus, quorum altera pars bullas siue pompholygas è conchylio (in quo smegma, quem saponem dicimus, cum momento aquæ commistum sit) in aëra difflet: altera easdem iridis in modum discolorēs & purpurascētes sectetur atque comprehendere studeat; sub quorum pedibus non malè subscribi possit diuerbium illud Italīs in ore frequens, ET TUTTO ABBRACCIO ET NULLA STRINGO. Nemo nescit, bulla nihil esse vanius, aut inanius, comparata illi iam olim caducæ mortalitatis vmbra. Itaque quadrabit aptissimè in eos qui diuersis artibus scientiisve animum adiciunt simul, varia in studia distracti; aut qui pluribus muniis honoribusque simul inhiant; aut quacunq. tandem in re insatiabili animo nunquā satis facientes huc illuc nutant. hi namq. parum proficiunt, suaq. spe elusi sæpenuerò discedunt.

Emble-

Emblema xvii.

HIPPOTAMI impietatem immanem esse, monumentis litterarum proditum est à veteribus; adeò ut ne patri quidem, per quem vitæ vrsuram accepit, parcat: qua de re etiam alibi scripti. At ciconiam serpentium certissimum esse exitium nemo infitias iuerit qui eam longis colubris inuisam dici Virgilio didicerit: qua de causa necesse ciconiam capitalis noxia fuit apud Thessalos, quòd eorum regio prouentu serpentium abundaret, si Plinio credimus. Sceptrum verò gestamen Regum, qui priscis sæculis iudices erant caussarum, ac proinde etiam iustitiæ dicatum fuit. Quo symbolo indicatur impietatem (quæ vitiorum omnium fundamentum est, & qua flagitia ac scelera omnia continentur) coërcendam esse & vindice gladio castigandam, atque è medio tollendam, non secus quàm à ciconiis solet serpentium genus. Res per se clara est.

Equo fluuiatili in dorso erigatur sceptrum, cui ciconia insistat.

Emblema xviii.

Metrum est Archilochium acatalecticū comitatum iambico Hipponactio; cuiusmodi est illud Flacci:
Non ebur, neque aureum

Mea renidet in domo lacunar.

MUSTELAM (inquit Plutarchus libro de Iside & Osiri) plerique arbitrantur & affirmant per aurem initum pati atque concipere, sed

sed ore partum edere, natalium sermonis quadam similitudine. Anaxagoras, alique nonnulli physici prodiderunt Mustelam pariter & Ibin ore parere; teste Aristotele libro De generatione animalium tertio, cap. 6. quorum sententiam illic conuellit. Aristes ut istud ipsum confirmat; ita paululum detorquet symboli explicationem, sic enim sonant eius verba: Mustela auribus concipit, quod ore parturit: itaque eius esu interdictum est Levit. 11. Iudæis; ut hoc symbolo insinuaretur, perniciosissimum esse homini morem, quod, quæ auribus acceperit, eadem verbis exaggerans maioribus malis inuoluat.

Hugo Card. in superiorem Levitici locum euariat nonnihil à prædicta opinione, siquidem mustelam marem ore generare; feminam aure concipere annotat. quàm fideliter, ipse viderit. Orus etiam mustelum piscem huic cognominem ore parere scribit: similiter & Zezes.

Huc allusum videtur à Lycophrone in Alexandra tenebrosissimo poemate, cum Medusam Gorgonem appellat *δειρόπαιδα γαλήν*, id est, Mustelam iuguliparam, velut collo puerperam, propter fabulam, quæ fingit Grysaorem & Pegasus è ceruice eius exstitisse, truncato illius capite. Ad symbolum faciunt Epicteti verba admonentis à natura mortalibus vnicam datam esse linguam, aures geminas; ut loquendis audita duplo sint plura. De monactis apud Lucianum documentum est,

est, auribus sæpius quàm lingua vrendum. Epaminondas à Pindaro laudatur hoc nomine, quòd haud facilè alter inueniretur, qui plura sciret ac pauciora loqueretur. Picturæ ratio per se evidens est.

Emblema XIX.

Alcmanium est dactylicum tetrametrum hypercatalecticum, simile secundo Boëtij carmini, cuius initium:

Heu quàm præcipiti merfa profundo.

CROCODYLVS, cui à croci metu nomen est, exitiale malum, quadrupes, vtroque elemento infestum & terra & flumine, linguæ expers, dentibus ferratis, eorumque ordine pectinatim se stipante, maxilla inferiore immobili, vnguibus immanibus, cute adeò inuicta, vtrictus tormento quouis adactos eludat atque repercutiat; tergo metatur locum nido præ diuinatione quadam & naturali prouidentia eum deligens, ad quem summus Nili auctus eo anno sit accessurus: neque alibi incubat oua, quæ candida sunt anserinis similia. hæc de Crocodilo ex Plinio lib. 8. cap. 25. Solino cap. 45. Marcellino lib. 22. & Herodoti Euterpe. Addit Plutarchus libro de Iside, Aegyptios certum coniecere Nili incrementi terminum ibi fore, vbi oua exclusit femina: nam cum in humido fouere nequeant Crocodili, & procul à fluminis alueo parere metuant, ita exactè præsentunt naturæ tacito instinctu quod futurum

turum est, vt accessu fluij in pariendo, incubandoque (quod alternis obseruant mas & femina) vtantur, atque ita oua arida & inhumecta conseruent. Monemur prudenter rerum satagere, longeque antè consultare atque videre, quàm quid statuamus aut agamus.

Emblema xx.

Carmen est Phalacium à Phalaco inuentore sic nuncupatum, quod Hendecasyllabum à syllabarum numero quale illud Martialis.

Vitam quæ faciunt beatiorem.

CICADA insectum est, quod rorem lambendo viuit, nec alterius alimonix indigum, cantu se oblectat. Pingi possunt plures cicadæ, quæ flosculos (qui ad ornatum varij pingantur) lehiscentes, & explicitos, rore madidos, aduolitent ac depascant; à ceteris, qui etiamnum intra calyces suos siue alabaistros abditil latent, abstineant. Qui sua sorte, licet exigua, contenti sunt, bonis presentibus fruuntur: liberali interim spe ducti, fore, vt aut industria aliquid adiiciat, aut principum liberalitate accedat, aut hereditas portum ostendat; quod omne lucro deputant, & veluti probè sibi feneratum prætereunt. Non dissonum hinc est Italicum hendecasyllabum:

Di questo mi contento & meglio spero.

Emblema xxi.

INSIGNIUM vsus peruetustus est, quando Anubin & Macedona, Osiridis filios, armorum insignibus

insignibus vſos fuiſſe iam tum memoriae prodidit
 Diodorus, canis exuuiſo alterum, lupi roſtro al-
 terum, tanquam animalibus ab ipſorum natura
 non alienis. ſic Tydeus apud Aeſchylum in clypeo
 depictum præfert cælum ſtellarum cum luna
 medium vmbonem occupante: Hippomedon
 Typhonem fumos ore efflantem: Parthenopæus
 Sphingem: Perſeus Gorgonis colubri ferū caput;
 Veneris genitricis Iulius; alij Pegafos, Minotau-
 ros, Harpyias, Leones, Vſos, Aquilas, Angues,
 Fuſcinas: alius aliud. At gentis tuæ iſtud inſigne
 aut ſymbolum, Sambuce doctiſſime, non otioſum
 ac iners aut inglorium exiſtimo, in quo viſuntur
 binæ grues (non ſine cauſſa Palamedis, vnius in-
 ter omnes Græcos ſolertiſſimi artium inſignium
 inuentoris, aues nuncupatæ) hinc pedibus ſaxum,
 firmitatis argumento; illinc cor, frontem & re-
 tinaculum omnium honeſtarum actionum, con-
 corditer complexæ, roſtrisquæ annulum aureum,
 ceu debitam ſibi mercedem appetentes. Multi-
 plex hîc cognitio animum ſimul præſtringit: nam
 vti Grues alti uolæ ſunt, nubila volatu tranantes;
 ita doctiſſimus quiſque non humo aſſidet, ſed
 mente cæleſtes etiam ſedes adit, imò penetrat;
 neque id ſolùm, verum etiam gloria æternitatis
 affectatrice ſidera pulſat, & nubibus caput inferit.
 Erdem etiam vigiles, quòd noctu lapidem pede
 ſuſtinent, vt oppreſſas ſomno, laxatis nervis, ſtre-
 pitus cadentis lapidis expergefaciat, diligentia

summæ iudicium faciunt. Quam istarum auium
 sollertiam in exemplum rapuisse mihi videtur A-
 lexander Macedo non abs re Magni nomen ade-
 ptus, qui globum argenteum brachio capiti sub-
 dito tanti percontinebat (quoties lucubrandum
 illi erat) dum remissio neruorum tenore delap-
 sus, tinnitu peluis subiectæ, somnum illi abru-
 pisset. Annulus verò (quem Promethei inuen-
 tum perperam, ut quo ipse Caucaſo alligatus fue-
 rit, alij Lacedæmoniis falsò attribuunt, quòd fer-
 reus illis in vſu fuiſſe legatur) in ſe recurrens &
 ἀντίγων immortalitatis nunquam vſlo ſæculorum
 ſpatio finiendæ index eſſe meo quidem iudicio
 videtur. Quòd ſi hariolari in re mihi obſcura li-
 cebit, crediderim duorum coniunctiſſimorum
 fratrum operam præclaram Principi aliquando
 ſuo nauatam, maxima conſtantia pariſque concor-
 dia, iſta genti tuæ peperiffe inſignia, laudabiliore
 ratione, quàm cicatricum inſignia Salluſtianus
 ille commendari; ut, quibus gloriæ infinitas, an-
 nuli opes, adamantis argumento à Principis libe-
 ralitate honeſtamentum ac decus acceſſerint. Effi-
 giationem quid attineat præſcribere, cùm per ſe
 ipſa è ſuperioribus abundè eluceſcat?

Emblema XXI r.

*Carmen eſt Heroicum cū dactylico Alcmanio tetra-
 metro acatalectico, cuiuſmodi eſt illud Boëtij:
 Tunc me diſcuſſa liquerunt nocte tenebræ,
 Luminibuſque prior rediit vigor.*

ORVS Apollo qui Hieroglyphica scripuit, refert Leonem, vbi febricitarit (familiaris autem huic feræ morbus febris est, præsertim quartana, si Phileti, qui De animantibus Græcè scripsit carmine, credendum est) simia solere vesci, saluberrimæ escæ loco. Non repugnat Plinius, nisi quòd morbi vim eleuans, ægritudinem fastidij tantum sentire dicit, in qua medetur sibi, gustato simiarum sanguine, quæ lasciuia immodica in rabiem eum agunt. Confirmat idem & Philostratus lib. De vita Apollonij tertio: Leones medicinæ gratia simiis insidiari scribens. Quin & Aelianus omnigenæ historiæ lib. 1. cap. 9. ægrotanti leoni cetera remedia inutilia scribit, præter simiã, cuius esu pristinam valetudinem recuperet. Idem in libris De animalibus lib. 5. cap. 39. medelæ rationem & morbi discrimen distinctius his ferè verbis aperit: Leo, inquit, supra modum ingurgitato cibo, remedium quærit, aut à quiete abstinentiaque, aut simiam nactus deuorat: quo cibo alui proluuium excitatur, molestaq. saburra exoneratur. Simiis aptissimè comparari possunt impostores, assentatores, & parasiti, qui ad gratiam loquuntur, & principum auribus insidias faciunt: siquidem *ὑποκριταὶ* velut populares Simias vocat Aristophanes eos, qui plebi assentantur & obsecundant, quando & *μιμηταί*, quod Simiari norat, pro fallere Græca lingua vsurpat. est enim animal istud ad imitandum omnia dextrum &

habile. Tales autem pestes si quis aula exturbaret princeps, nã ille verè Augiæ stabulum repurgeret, & cum Hercule ac Constantino monstrorum domitor dici posset: hoc enim Aurelius Victor Constantino tribuit, qui anlicas illas pernicies, tineas soricesq. palatij appellare solebat, vt Anaxilaus opum vermes, quibus confectis & expulsis, ad incolumitatem rerum & sanitatem cuncta redire posse, non iniqua spes est.

Emblema XXIII.

Cyrellium metrum est, constans pentametro hypercatalectico, quale hoc:

Pulchra puella comas ambit sibi palmitibus.

PALMA Aegyptia Theophrasto à fructu Balanus dicta, arbor est magna, non recta, sed contorta, folio myrto simili: Dioscoridi (à quo pictura peti potest, expresso eius vno ramo) πῶμα, à succi copia cui in poculi vicem conuertitur, & ab arcenda siti Adipsos quoq. vocata. Hæc priusquam maturuerit decerpta, sitim sedat: sin matura sumatur, sensum intercipit, gressum præpedit, linguam retardat, & obsessis mentis ac corporis officiis, ebrietatis vitium imitatur; vt Solinus memorat cap. 45. Memorabilem. Admonet hoc symbolum curiosam & profundam diuinarum rerum inuestigationem, eamque maturis iam fructibus factam, hoc est, ab iis qui mysteriorum omnium cognitionem absolutam se adeptos putant, periculosam esse: nam quò altiùs isti laborant

rant arcana de Deo eiusque vniformi Trinitate
perſcrutari, hæc maioribus altioribusque tenebris
inuoluuntur, & in diuinitatis abyſſum ineluſta-
bilem corruunt. Simonides ſapientiæ nomine
percelebris olim rogatus ab Hierone Syracuſa-
rum rege, Deum vt ſibi definiret, popoſcit ſibi
diem vnum: poſtridie rogatus vt fidem exſolue-
ret, bidui ſpatium petiit: cumque ſæpius dierum
numerus ingeminaret, atque Hieron admira-
bundus eius facti rationem requireret, reſpondit
ſibi tanto intricatiorem obſcurioremque videri rem,
quanto diutius cõſideraret. Quò ſpectaſſe A Egy-
ptios ſacerdotes puto, qui ſonum tantum voca-
lium litterarum inconditum accinebant, indican-
tes ſe nulla ratione de Deo certi quid & explorati
poſſe expromere. In hanc ſententiam detorſit
iſtud ſymbolum Hugo Eterianus, non poſtremæ
eruditionis Theologus, cum de Spiritu ſancto
aduerſus Græcos diſſerturus ſic initio operis lo-
quitur: Dum ſupremæ philoſophiæ principium
delibare aggredior, aquaticæ mihi videor teſtu-
dini eſſe ſimilis, quæ fretum tranare cupiat, ſtu-
pore cogitatus obſidetur; mens tabeſcit; lingua
tanquam A Egyptiam palmam, quæ apud Græ-
cos Adipſos (malè enim adiperos ibi legitur) vo-
catur, guſtauerit, retardatur. Appoſitè me hercu-
le ſymbolo vſum vides, in explicanda prouinciæ,
quam arduam aggrediebar, difficultate: nam
diuina natura ne angelicis quidem, nedum hu-

manis linguis enarrabilis est, aut comprehensibilis, ut D. Martialis Lemouicensis Episc. scribit in epist. ad Burdeg. quod ipsum & Plato non tacuit, Deum indictum & innominatum vocans, quem inuenisse haud sit facile, intellectu comprehendere, impossibile: aut, ut Hermes Trismegistus inquit, Deum mente complecti res est ardua, sed sermone enuntiare, impossibile. Huc spectat Iambus antiquissimus, quem ex ore Socratis fluxisse, lib. De recta Confess. memorat Iustinus martyr:

Ὅτι δὲν γὰρ ἀνθρώποις τῶν θεῶν σαφές. id est, Rerum diuinarum nihil mortalibus exploratum est: quo innuitur, qualia sint diuina, non esse inquirendum scrupulosius. Præstat itaque imaturas palmulas decerpere in sacra philosophia, quæ sibi marcent: quippe cum videamus sophos istos qui maturis frui se solos arbitrantur, arentibus faucibus, lingua impedita, ingenio hebescente ac caliginoso, gressuque male nutabundo, in ea sursum ac deorsum iactari volutariq.: & sapientem Athanasij admonitionem sequamur, docentis lib. 3. aduers. Arrianos, curiosa & accurata persuasionem potiore esse fidem simplicem. Potest symbolum referri & ad captiosas spinosasque disciplinas, quæ cum fructu delibari possunt primoribus (quod dicitur) labiis; ita namque sitim restinguere valent: in quibus tanquam ad Sirenaeos scopulos desiderare atque consensescere, id demum insanum est studium: nam ubi eò res venerit,

rit, stupidi, cæci, dulciſque veneno ebrii, argutiarum fuligine audiētium oculos præſtinguere gaudent, ſed euanida; ſanctiſſimæque diſciplinæ nomen ementiuntur interim, vt luculentè diſſerit Herodes Atticus apud Gellium, libr. 1. Neque malè vita aulica huic Adipſo arbori comparari poſſit, quam aliquantiſper ſequi & deguſtallè ante maturitatem fuerit non inutile, ſed cuius illice ſucco, vbi maturuerit, plenis faucibus imbuī, in eaque non immorari tantum, ſed & immori, omnem noſtri agnitionem obliſſerat, mētē ſanam exulcerat, faſtu inflat, & Pallante (quem liberos ſuos nunquam alloquio dignarum ſcribit Tacitus libr. 13.) inſolentiores reddit: nam ex infinitis vix vnum illic Eutherium inuenias, quem in Conſtantij Imperatoris comitatu ſolum integrum fidei continentiaque cultorem exſiſtiſſe, Marcellinus commemorat libr. 16. A ſuperiore, quam primo loco dixi, ratione non abludit fortasſe quod reſert Clemens Alexandrinus in Aegyptiorum ſacrorum cærimoniis, poſt cantorem, qui principem locum obtinet, ſequi Horoſcopum flaminem, qui altera manu Horologium, altera Palmam ſymbola gerebat.

Emblema X X I I I I .

Carmen eſt hexametrum cum trimetro ſenariōne Iambico.

PRODITVM eſt à Plutarcho libro De Iſide, Phidiam, clariffimi nominis ſtatuarium, finxiſſe

Palladis simulachrum, pedibus prementis Draconem; & alterum Veneris apud Elæos, pede calcantis testudinem: argumento in illa custodiæ sui, quæ virginem deceat; in hac silentij curæque rei domesticæ, quæ matronam deceant. Draco autem appositæ Palladis (quam perpetuæ virginittatis honore insigniuerunt poëtæ) pedibus substernitur, vt sedulam pudicitia, cui mille tenduntur insidiæ, curam virgini incumbere significetur; siquidem acerrima oculorum acie præstare Draco perhibetur: quo nomine thesauris omnibus custodiendis (inter quos aureo velleri, hortisque Hesperidum) eius operam assignauit antiquitas. Pingitur autem Minerva virginis specie, oculis acribus & glaucis, hastam dextra, clypeum læua tenens: cuius umbo Gorgonis anguicomæ caput præfert, veste ad talos vsque demissa, galea caput muniente, subiecto pedibus Dracone, cuius caput hastam attingat. ita enim ferè à Pausania in Atticis, & à Cornuto depingitur. Venus nuda pingatur, sermo myrteo redimita inter currentibus rosis, cæsto, hoc est, baltheo vario & pulcherrimo infra pectus ambiente, dextra tenens tria mala aurea, læua columbam, pedibus testudinem calcans. Symbolicè nuditate simplicitatem & apertum pectus vxoris demonstrari existimo: per columbam puritatem & blanditias: per aurea mala, casti amoris illicium: per cæstum, coniunctionem deuinctionemque animorum: per testudinem, &
silencium

silentium & anxiam rei familiaris curam; quippe cum summo silentio ingrediatur testudo, domumque suam semper secum circumferat, unde domiportam dixi, ex Ciceronis libro de Divinatione secundo, ubi veteris poetæ versum commemorat, ænigmaticè testudinem circumscribentis, Terrigenam, herbigradam, domiportam, sanguine cassam.

Emblema xxv.

Hæc germana est & viua medici Icon, quæ quia propter concisam breuitatem obscurior est & intricatior, libuit eam per dialogismum reddere prolixius pluribus versibus, ut explicatiùs singula paterent.

*Qui Deus es? Phœbo satus atq. Coronide. habes cur
Sceptrum? agris ut rex impero. quid resides?*

*Sit sedato animo medicus. quid verticem inumbrat
Laurea? perpes enim viuit ab arte decus.*

Nodoso baculo quid nitere? difficilem artem

Id notat. hinc cur stat Gallus, & inde Draco?

Cura vigil medicum decet ac custodia. quid vult

Sub pedibus Canis? hoc symbolon est fidei.

Quidue tegit mentum propexa incanâque barba?

Longa atas firmat iudicium atque fidem.

Aesculapius Apollinis ex nymphea Coronide filius, in deorum numerum olim receptus fuit, quoniam rudem adhuc & vulgarem medicinæ scientiam paulò subtiliùs excoluisset, ut Cornelius Cel. ait; quanquam Trismegistus, interprete

Appuleio, medicinæ repertorem falsò nominat. Huius simulachrum variis modis effigiauit antiquitas: nam apud Sicyonios imberbem stetisse, altera manu sceptrum; altera pineam nucem ob-
 tinentem, memorat in Corinthiacis Pausanias. in eadem historia refert à Thrasymede Pario ex-
 sculptum fuisse Aesculapium in solio sedentem, baculum tenentem manu, altera caput draconis
 mulcentem, cum accubante cane. Consentit in multis & Festus Pompeius, lauream insuper illi
 attribuens. Ego collectis symbolis omnibus, & quasi in vnā (quod dicitur) Myconum conie-
 ctis, talem ferme medici siue Aesculapij iconem con-
 flauī. Virum grauem pinxero, barbatum, throno insidentem, laureatum, sceptrum geren-
 tem altera manu, nodosum baculum altera, ad-
 stantes illi hinc Draconem, hinc gallum, stratumque ad pedes canem. Nunc commentī, sym-
 bolique rationes subiiciam. Aesculapij nomen haud temerè in medicum competit, quippe cuius sit placidè curare ægrotos. id quod Græcis sonat vocis etymon ἀσκήν ἡπίως. Barba illi datur velut adultæ & longæ multarum rerum experientiæ argumentum. Sedentis imago denotat, sedato animo, neque vagum esse debere: Laureā coronatum existimo, ob eximium & immortale ex arte salutarī decus. quanquam Festus eò referat, quòd laurus arbor sit plurimorum remediorum. Sceptrum illi cum Pausania tribuo, vt dignitas
 ,medici

medici eo repræsentetur, qui regis in morem ægris imperare debet. quò spectat inuectiva Galeni, libro primo Therapeutices, medicos sui temporis inculantis, quòd mancipiorum ritu ægris subseruirent ac obsecundarent, contra maiorum ab Aesculapio oriundorum morem, qui velut reges subditis, & veluti duces militibus, præscribebant ægrotis quæ fieri vellent. Bacillum nodosum tribuit illi antiquitas, vt difficultatem significant artis plurimis rerum discendarum anfractibus nodisquæ difficilibus inuolutæ: tamen si Eusebius hoc interpretetur ægrotorum sustentaculum: & Cornutus libro De natura Deorum, quòd medici opera confirmemur, ne tam properè in morbos incidamus: Draconem assistentem dant omnes. Cornutus tum propter diligentiam in curandis ægris in somnem, tum quòd medici industria ægrà morbis veluti reiuuenescant, seniumquæ deponant, serpentium more. vnde Macrobius lib. 1. Saturnal. Aesculapij & Salutis simulachris Draco, inquit, subiungitur, quia præstant vt humana corpora velut infirmitatis pelle deposita, in pristinum reuirescant vigorem. Præterea constat ædium sacrarum, adytorum, oraculorum, & thesaurorum custodiam olim Draconibus assignatam fuisse, cum quia acutissimè cernant, tum propter inuictas vigilias. quod sensit & Fest. at Plin. lib. 29. cap. 4. Draconem Aesculapio sacrum voluit, propter remediorum, quæ illi insunt, multitudi-

titudinem. Gallus eidem adiungitur, quòd vigilantissimum sit animal: nam sollicitum & vigilantem medicum requirunt res ægroti. Canem illi subiicio, vt animal fidiſſimum. quid autem medicum magis deceat, quàm indubitatam fidem integritatemque ægrotis ſeruare? quæ res Philip-pum Acarnanem Alexandro commendatum habuit, licet parricidij crimine, ſed immeritò perſtrictum. neque enim placet quod Feſtus ait, ideo adhiberi canem, quòd canino lacte ſit enutritus, quod tamen apud Lactantium etiam legitur.

Emblema xxvi.

Heroicum præcedit Archilochium dactylicum dimetrum hypercatalecticum, cuius generis eſt illa Horatii oda:

Diffugère nines, redeunt iam gramina campis,
Arboribusque comæ.

IN nemine Deorum tam prodiga ingeniorum fuit antiquitas, quàm in Fortuna, vt quæ ſola vtramque paginam facere in ratione mortalium fuerit credita. Hinc tot eius cognomina, de quibus alij dixerunt, tot picturæ, tot diuerſa ſimulachra; apud Aræmidorũ libro De inſomniis ſecundo, Cylindro tereti inſiſtentis: apud Pauſaniam in Meſſeniis, polum vertice ſuſtinentis: apud eundem Cornu Amalthææ geſtantis, præſente alato Cupidine: apud Ceбетem & Euſebium in pila ſedentis & alatæ: apud Lactantium, libro 3. Copiæ cornu præferentis cum gubernaculo: apud Plutar-

Plutarchum viscata: ita Fortuna varietatis amica, etiam variè expressa est. Hanc Smyrna clarissima Asiae ciuitas pedibus carentem exsculpsit, instabilitatis argumento; vnde iocus Apellis in Fortunam diuersa ratione sedentem, à se effictam, dicentis eam nunquam stetisse: Alatam verò eadem Smyrna sculpsit, vt vagam nullique perpetuò addictam. Pingatur itaque sine pedibus, manum extensam ita porrigens, vt pennas suas comprehendi non sinat.

Emblema XXVII.

Heroicum est carmen cum trimetro Iambico affecta.

PERSEAM arborem esse Aegypti peculiarem scribit Theophrastus lib. 4. De plantis, aspectu venustam, ingentem, pyro assimilem cum foliis, tum floribus, ramisque: cuius etiam poma, quæ copiosè fundit, magnitudine pyrum repræsentant, specie oblonga, amygdalacea, colore herbido, nuce intus pruno non dissimili, sed minore multo ac molliore, carne dulci admodum ac suauis. Qua ex descriptione deprehendere licet Perseam nostræ Persico esse congenerem, specie tamen dissidentem. Nicandri interpres apud Persas lethalem prius, translata in Aegyptum, terræ mangonio salubrem euasisse scribit. cuius dictis attestatur non vno in loco Galenus, & locuples testis Iunius Columella lib. 9. iis versib.

*Stipantur calathi pomis quæ barbara Persis
Miserat (vt fama est) patriis armata venenis.*

At

*At nunc expositi paruo discrimine lethi
Ambrosios præbent succos, oblita nocendi.
Quinetiam eiusdem gentis de nomine dicta
Exiguo properant mitescere Persica malo.*

Quibus ex verbis facile agnoscitur discrimen inter has arbores. Porro nux huiusce arboris dura, turbinata, cordis figuræ nõ abssimilis nucleum operit: innuente symbolo, sapientiam nucleo assimilatâ, operculo duro, referatu difficili esse operam debere. De hac Plutarchus lib. De Iside, in hunc modum: Inter plantas, quas fert Aegyptus, Perseam eximiè præ ceteris Isidi sacram esse voluerunt, quòd eius fructus, cordis speciẽ; folium, linguæ repræsentet: nihil enim inter omnia, quæ homini à Deo data sunt, diuinius est sermone, præsertim qui de Deo instituitur, neque maius ad veram felicitatem momentum obtinet. Hæc ille.

Emblema XXVIII.

*Metrum est Iambicum trimetrum, cui subiungitur
Archilochium, quale est Horatij illud in Epodis:*

Plecti nihil me, sicut antea, iuuat

Scribere versiculos, amore percussum gravi.

ARBOREM pinxero quercum, vt solidioris ligni, firmioribusque innixam radicibus; qualis virorum principum conditio est, quàm priuatorum, durabilior: cui altrinsecus immineat ex atro & turbulento cælo allatum hominis caput plenis buccis spirans (ita enim ventos pinxere veteres) decutiensque folia, partim humi strata, viridia licet,

cet, partim cadentia, paucis adhuc superstitibus in
 ramo vno aut altero: cuius caudici circumuoluta
 schedula loquatur dictum istud Italicè: BASTA-
 CHIO VIVO. Nil mirum est, neque verò ab-
 surdum, arbori comparari virum principem, quā-
 do & Horat. Pompeium Magnum multitudine
 pariter atque magnitudine rerum gestarum cla-
 rissimum, allegoricè Ponticam pinum, & Syluæ
 nobilis filiam nominet. quin & Lucanus poëta
 eundem Magnum quercui sylua arborum obse-
 ptæ, eadem ratione comparat. Princeps, etiamsi
 de gradu sit exactus diro nouercantis fortunæ lu-
 dibrio, non patitur tamen generosos illos spiritus
 ita infringi aut pessundari pro cæcæ sortis libidi-
 ne, vt quidquam auito progenitorum suorum
 stemmate indignum admittat: cuiusmodi Gili-
 merem Vandalorum regem commemorat Pro-
 copius, & nostrum æuum talem non vnum pro-
 tulit. Idem in virum fortem & infracti pectoris
 conuenit, honoribus opibusque per inuidorum
 suggestiones exutum, contentumq. in otio pau-
 pere delitescere.

Emblema XXXIX.

Carmini Heroïco subiungitur Iambicum trimetrū.

APVD priscos Romanos Flamini Diali tanta
 in religione habitam fuisse hederam cōperimus,
 vt eam vel nominare, ne dicam tangere, inexpia-
 bile nefas existimaretur, propterea quod is frutex
 vincit atq. illigat lubrico palmitum errore, quo-
 cunque

cunque se applicat; vti Festus Pompeius indicat. Nimirum declarat istud symbolum, sacerdotem castum & ab omni lascinia Venerea quàm maxime alienum esse debere: quando suos amatores ita circumueniunt Veneres & circumuentos enecant, vt hedera solet arboreas vires complexu arctissimo vitalis succi inanire. Eidem non licebat annulum solidum aut nodosum digitis inducere: nempe vt ab omni animi angore liberum neque mali cuiuspiam sibi conscium esse debere ostenderet eum, qui rei diuinæ vacaret. Pictura postulat profanum aliquem depingi, qui flameni siue sacrifico (Flamen autem pileo insigniebatur, cui virgula oleagina cum paxillo lanæ erat superimposita, cetero habitu nostris ferè similis, lineo amiculo togæ inducto, vnde Linigerorum nomē) porrigat hedera, sed abnuenti & vestigium reducenti, & altera manu exhibeat annulum circumlarem & solidum.

Emblema xxx.

Trimetrum Iambicū monocolon, in quo priores duo versus reciproci sunt qui transposita à calce dictionū serie transeunt in pentametros, hoc modo:

Efferre seruili colla repanda iugo

Irritataure paras molliter excutere.

NE QVICQVAM sapit & ferre recusat iugum, qui semel admisit: quando & Elefantos iussa facere, & Leones iuga subire videmus haud temerè excutienda. Serò coniugij capistrum acceptum

ceptum deplorat maritus, qui semel collum sub-
misit. Aërem verberat qui publicis muneribus,
quæ curanda suscepit, ingratis defungi parat. Pi-
ctura per se clara est.

Emblema XXXI.

Symbolum istud ingeniosè & luculenter à Naso-
ne lib. Tristium secundo explicatur, ibi:

Nil prodest, quod non lādere possit idem.

Ignē quid vtilius? si quis tamen vrere tēctā

Comparat, audaces instruit igne manus.

Eripit interdum, modò dat medicina salutem,

Quaq̃ iuuant monstrat, quaq̃ sit herba nocens.

Et latro, & cautius præcingitur ense viator:

Ille sed insidias; hic sibi portat opem.

Discitur, innocuas vt agat facundia caussas:

Protegit hac fontes, immeritosque premit.

Vsus rei salutem præstat, abusus necem aut de-
trimentum saltem adfert. certè ita demum vnum-
quodque aut commodat aut officit, prout eo vel
vtare vel abutaris. Lex eadem alio atque alio sen-
su accepta, quem grauaret, reum absoluit; inno-
centem inuoluit. Quàm sæpe scripturæ membra
luxata & veluti assulatim conuulsa, aut in partes
consecta, aut commate interstincta, hæreticos ar-
mant, caussa casuros, vbi loci, vnde petita sunt, re-
nor expendatur aut attentius consideretur: ita fit
vt eundem locum pro sui defensione Marcion &
Valentinus adducāt; Christianus eundem rectius
indubitatusq̃. pro se alleget. hinc tot schismata,

H

tot

tot pestilentes factiones & prioribus sæculis & his nostris inconsutilem illam Christi vestem lacera-
runt. Terra & venenorum & omnis boni parens
ac alumna, tot pernicies protulit, quot species: tot
dolores, quot colores, vt inquit Tertullianus libro
aduersus Gnosticos. ita Lucretius inquirens caus-
sam cur idem alij sit cibus, alij venenum.

Præterea, inquit, nobis veratrum est acre ve-
nenum: at capris adipēs & coturnicibus auget.
quod & Plinius non tacuit lib. 10. ca. 72. Venenis,
inquiens, capræ, & coturnices pinguescunt: (ea
est enim verior lectio quàm quæ habet, capræ.)
Quin & Aristoteli idem non fuit ignotum. Ad
picturæ varietatem pingi potest Helleborus ni-
ger, siue veratrum, quam herbam hinc depasti
homines exspirent, ac vitam cum mortē commu-
tent: inde coturnices aues & capræ eo pabulo usæ,
vegetæ sint & agiles. Altrinfecus pingatur ignis,
cui assideat aliquis, vt rigorem expellat: & in pro-
ximo, domus incendio conflagrans.

Emblema XXXII.

*Heroicum, cui subiungitur tetrametrum Clodum,
siue Episcizon à Plotio dictum; Aristophanium
nominat Seruius.*

PINGITVR mulier scabello aut tripodi in-
fidens, geminas alas ad modum talarium Mercu-
rij expansas, velut paratum volatui peculium, de-
xtra tenens: læua testudinem meritò tardigradam
à Pacuio dictam: rursus dextro pede terram pre-
mens;

mens; sinistro in altum elato, ita vt dextræ expromptam agilitatem remoretur pedis dextri gravitas, rursusque lævæ tarditatem adiuuet pedis item læui alacritas. Mediocritatem auream insinuat symbolum: itemque animi moderationem, ne ita efferamur, vt sortis nostræ obliuionem induamus, nèue, iuxta adagium, ita fugiamus vt præter casam. Habet affinitatem cum illo Augusti dicto, Festina lentè. Tarditas immodica, præcipitatione castiganda venit: & celeritas nimia illaudata est & vitium habet. Itaque modus omni in re seruandus est: atque ita festinandum, ne vel tardi, vel præcipitis nomen incurras.

Emblema XXXIII.

*Iambicum trimetrum Archilochium monocolon,
Horatiano illi simile:*

Iam iam efficaci do manus scientiæ.

VERISSIMÉ dictum est ab Ouidio poëta:
Naturæ sequitur semina quisque suæ.

Nimirum ita fermè comparatum videmus, vt nihil tam commodè fiat aut dicatur, quod rō detorqueat, deprauet, ac sinistrè interpretetur calumpnia. Propterea sentè & festinè dictum est à Theodoro Atheniensi, cum illi fuisset obiectum, quòd multos sua doctrina deteriores redderet, aliorum id vitio accidere, qui sinistra ipsius doctrinam acciperent, quam ipse dextra porrigeret. Neque malè sonat vulgatum prouerbiū: Volucres pro suo quamque rostri modulo cantillare: cum

Velit innuere, improbos non posse non improbè loqui, bonos verò bene. Nempe rosa vtilem mellificio materiam api suggerit, aranæ venenum: Quam sæpè fit vt dictum innoxium, ac sine fucò expressum, huic risus & leporis seminarium sit; illi Vatiniani odij fomes & incentiuum. Scriptura sacra, inquit Nazianzenus in prima Steliteutice, probis est virtutis armamentum; at sceleratis nequitiae stimulus.

Emblema XXXIIII.

Heròicum Alcmánio siue Archilochio præpositum, quale supra IX. Embl.

B A C C H V S cognomento Psilas, quasi alitem dicas, Amyclis vrbe Laconiae exitiali silentio nobilitata, colebatur. sua namque lingua *Ψίλας* alas vocabant; quò respexit fortasse Catull. eo versu:

At parte ex alia florens volitabat Iacchus.

Voluit autem significare artifex, Vinum, si modus adsit, vt tristitiæ curam hebetare; ita ingenium agile reddere & alacre, nihilo secius quam aues pennis euehuntur: vti à Pausania in Laconicis proditum est. Tametsi cum Eubolo sapiētiam vino obumbrari dicat Plinius; accedo tamen Plutarchi sententiæ, inuentionem & facundiam vino tribuentis. sic enim in Symposiacis loquitur: Quidam inter bibendum inuentionis acrimonia & linguæ disertitudine, quæ in sobriis ieiuna & contracta erat, seipsum superant, iique vini feruore ceu nidore quopiam thureo suffiri atque exple-

ri se sentiunt, metu qui spiritus generosos cohibebat, explosio: est enim vinum fecundissimum liberè, ac proinde verè loquendi alumnus, sine quo nullus est ingenij & industriæ vsus. vinum calore (vt inquit Plautus) & animum & viscera imbuunt. Hinc est quòd AEschylum nobilissimum poetam non nisi inter calices tragedias suas scripsisse legimus: Ennium vinosum ad canenda bella profiliisse: priscos heroas inter calices grauissimis de rebus consultasse. Neque verò temulentos, siue, quod idem est, rationis egentes, scripsisse aut consultasse, sed postquam mero incauissent venæ, ac dispulsa esset illa ieiunitatis seignities, verisimile est. Neque alienius à symbolo isto cecinit Niceratus:

Egregio vati vinum sit Pegasus ales.

Pingatur Bacchus puer nudus, imberbis, rubidi coloris, læto vultu, pampinis redimitus, corniculis è fronte promicantibus, corpore non obeso aqualiculi instar, sed vegeto & agili, alis extra humeros exstantibus volucer, altera manu botrum tenens; altera, si placet, scyphum: oculis viuacibus & cælum suspectantibus.

Emblema xxxv.

ADOLESCENTIAE flos non per luxum, desæue otium deterendus est, sed veris animi ornamentis tingendus, siue id in litterarum atque arium liberalium studio, quibus ætas prima ad humanitatem informatur, fiat; siue in mechani-

H ;

cis,

cis, sedentariis, aliisque opificiis. siquidem laboribus ut duratur virtus atque adolescit in maius; ita luxu degenerat. otio exolescit ac diffluit. Laboribus (quos ubique sanctos agnoscit scriptura sacra) & vitæ subsidia quaeruntur, & lætæ senectutis adiumenta comparantur. Labor iuventutis viribus, dum genua virent, convenientissimus est: at senectutem decet feriatum à laboribus otium, rerumque partarum usus. quò spectat laudatus ille Ennii poetæ versus:

*Sicut fortis equus, spatio qui fortè supremo
Vicit Olympia, nunc senio confectus quiescit.*

Proinde rectè dictum est à Portio Latrone insigni rhetore: Quære adolescens, utere senex. & in eandem sententiam à Seneca: Iuveni parandum, Seni utendum. Pingantur hinc adolescens expeditis lacertis, nudo capite, ligone terram proscindens: illinc senex abolla pellita suffultus, in solio accumbens ad genialem mensam epulis scyphisque exstructam.

Emblema XXXVI.

Heroicum comitatum Iambico senario.

P A V S A N I A S in Corinthiacis commemorat apud Sicyonios exstare nobile Veneris simulacrum ex auro & ebore sculptum Canaci clarissimi statuarij manibus, quæ capite gestet cæli orbes, altera manu teneat papaverum capita; altera malum. Innuere artificem voluisse arbitror, Veneris in omnia animantia potentiam, quando
& Io.

& Iouem suum in varias species mutatum cælo
deductam Veneris causa fabulantur poëtæ. Huc
spectant Lucretij versus:

*Alma Venus, hominum diuumq; voluptas, capta
Illecebrisq; tuis omnis natura animantū [lepore,
Te sequitur cupide, quò quamque inducere pergis.
Omibus incutiens blandum per pectora amorem
Efficis, ut cupide generatim sacra propagent.*

Pingatur Venus nuda, myrto coronata, cum
puero Cupidine alato, cæco, pharetra & arcu in-
structo læua malum aureum tenens, dextra papa-
uera, ad ornatum addi potest quadriga à duobus
cygnis & columbarum pari numero tracta, cui
insideat Venus; nam cygnos eam vehere Hora-
tius, Statius, & Ouidius loquuntur; alij huic mu-
neri columbas deputant: Sappho etiam passerem
dat. Porro nemo est, qui nescit, papaueris vim
præcipuam esse in sopiendo somnoq; conciliando,
vsque adeò vt copiosiore eius vsu inexpugnabilis
etiam somni necessitas ac veternus inducatur.
Venus autem præsertim moderata, iras implaca-
biles sopit atque remittit, testibus Aëtio & Aegi-
neta, ingenij mæstitiam obliterat, animum se-
darum reddit, atra bile percitos furiososque ad
sanam mentem reuocat.

Emblema XXXVII.

NEMINI ignotam arbitror nucem Pineam,
quam superstitiosa antiquitas Cybelæ olim sacra-
rat, colliculis quibusdam inæqualem & asperam,

ac veluti in gradus quosdam scansilem miræ duritiæ, qui vix, nisi vi ignis expugnati in valvas dehiscunt, & lacunatos torulos referant, in quibus nuclei dulces resident, magni ad diuersa corporis mala vsus, quos & conos & strobilos nominant peritiores. Hanc insigne, ni fallor, gentilitium olim domi tuæ mihi ostenderas, Tenere ornatiss. quando euocarum à Rege in Daniam, humanissimè excepisti, eo ferè emblemate in instrumentum omne argenteum addito. Cuius ego non aliud fermè symbolum puto, quàm quòd è virtute & eruditione, omniq̃ue sapientia (quò non temerè nisi per labores peruenitur) dulcissimus omnium existat fructus, qui sapienti recordationem actorum laborum longè iucundissimam adferat.

Emblema XXXVIII.

Ex Hieroglyphicis notis, quas ignorabiles Marcellinus nominat, petitum symbolum. Viperæ, inquit Plinius, mas caput inserit in os, quod illa abrodit voluptatis dulcedine. Confirmat hoc Orus Apollo, addita symboli explicatione, in hæc verba: Aegyptij mulierem suum maritum exosam, vitæq̃ue illius insidiantem, solumq̃ue ob concubitum illi assentantem exprimere volentes, viperam pingunt, quæ in coïtu caput maris insertum ore complexa, illud morso truncat. Picturæ ratio per se euidens est.

Emble-

Emblema XXXIX.

*Alcaicum metrum choriambicum, secundum Ser-
uium, quale est Flacci illud:*

Nullam, Vare, sacra vite prius seueris arborem.

PINGATUR columba caueæ inclusa, cui
insidiatur atque immineat altrinsecus superuo-
lans aquila: potest autem in superiore pariter &
inferiore caueæ limbo adscribi hic versiculus:

IL MAL ME PREME, ET MESP A VEN-
TAIL PEGGIO. Innocentum angustias apte
exprimit symbolum, quos non ita satis tutatur sua
tenuitas & rei familiaris angustia, quin mille dis-
criminibus ab impostoribus & rapace hominum ge-
nere illos circumstent.

Emblema XL.

*Carmen est Æolium, à Sappho modis Æoliis de-
lectata, frequens in usu habitum, teste Terentia-
no Mauro, quale memorat istud:*

Cordi quando fuisse sibi canit Atthida
Paruam, florea virginitas sua cum foret.

NEMO est tam persunctorie in poetarum li-
bris versatus, cui non suboleat Amorem fingi
ignem esse quendam occultum, qui cor iecurue,
propriam illius sedem insideat, & præsens absens-
que vitalia noctes ac dies depascat. unde illud est
de Didone dictum: Et cæco carpitur igni: & illud:
Est mollis flamma medullas. item illud: Quisquis
amat, vritur igne graui. atque adeò Xenophon
ipso etiam igne flammaque torrentiorem illum

H ;

facit,

facit, utpote cum ignis tangentem solum urat & vicina depopuletur: hic verò etiam in procul obtinentes & longo terrarum tractu separatos, ardentibus suis sagittas acuat. quod inquit Horatius. Itaque aptè faci cōparatur, quam & sua flamma depascitur; & vicinus ignis, cui imminet, consumit. Pingatur fax cerea paulatim liquefcens vi ignis propinqui, & accenso ellychnio ab altera parte sese consumens: cui, si lubet, addi potest Italum hendecasyllabum:

ARDO D' APPRESSO, ET DA LONGE
MISTRUGGO.

Emblema XLI.

Senarij sunt Iambici acatalecti.

CLEMENS Alexand. lib. 5. Stromatum refert ex Pherecydis Syrij auctoritate, Anacharsim Scytham pingi solere, læua manu genitalia operientem, dextra os compescentem, ad modum Harpocratis Aegyptij: eoque symbolo innui, debere nos superare utrumque quidem, & libidinem nimirum seu voluptatum seminarium, & linguæ petulantiam, sed hanc potissimum. Laërtius ait statuis huius philosophi additam fuisse sequentem inscriptionem, Linguæ, ventri, pudendis impera: quo symbolo ostenditur, garrulam & effrenam linguam infinitorum malorū esse causam: luxu foedius nihil aut scropha dignius: & libidinis incentiū, velut Circeum poculum, ex hominibus belluas nos facere.

Emble-

Emblema XLII.

*Aristophanium Iambicum tetrametrum brachyca-
talecticum monocolon.*

IN describenda Sphinge dissentiunt inter se
auctores. siquidē eam triformem fuisse belluam
fabulatur Palæphatus corpore canino, facie puel-
lari, alis volucris, voce humana. Zetzes Lycophro-
nis interpres leonina specie antrorsum, posteriore
humana, vnguibus gryphinis, aquilæ alis eam
depingit. Ausonius quoque triformem describit
illis versibus in grypho ternario:

Terruit Aōniam volucris, leo, virgo triformis

Sphinx, volucris pēnis, pedibus fera, fronte puella.

Pfellus in allegoriis biformem facit, vmbilico te-
nus elegante forma puellam, cetera hispidam,
cauda oblonga, & ferinis pedibus, lingua Atti-
cissante & Pythagoræa, hoc est, diserta & sapien-
te. Aelianus etiam libr. 12. De animal. cap. 7. *Ἀ-
φύνη καὶ δίμορφον*, biformem & duplici cōstantem
natura, ab Aegyptiis effingi sculpique comme-
morat, mistura leonini & virginalis corporis in
vnum conflata: idque Euripidis testimonio con-
firmat. Suffragantur illi Ori. lib. 1. contra Cels.
dimidia sui parte virginis formam præ se tulisse
scribens; & Clemens. Iam verò Diodorus Sicu-
lus, & cum Solino Plinius in Simiarum genere
enumerant Sphingas, comis villosas, prominulis
mammis, & dociles: quæ nihil ad nostrum insti-
tutum, nisi quòd fabulæ biformis monstri atte-
stantur.

stantur. Quid dicam quòd Dion Chrysostomus Sphingem allegoricè inscitiam exponit: at Psellus pro homine è dissimilibus constante; siquidem pars nostri rationalem facultatem obtinet, pars brutam naturam sortita est. Nunc ad symbolum veniamus, quod ex Clementis Alexandrini sententia adscribam. Sphinx, inquit libr. 5. Stromatū, pro delubris statuebatur apud AEgyptios, vel quia altis inuolucris operta sit omnis de Deo ratio, & mortalium sensibus obscura atq. imperuia: vel quia amare pariter & timere Deū teneamur, ac diligere quidem vt piis mitem & benignum; metuere verò, vt inexorabilem meritoque iustum vindicem scelerum erga impios: siquidem Sphinx humanam pariter & belluinam speciem repræsentat: vt nimirum ferina forma terribilem eius duritiam & asperitatem in exigenda ab impiis vindicta insinuet: humana facilem atque obuiam erga pios clementiam. Hanc in symbolo interpretationem secutus sum, tametsi aliter exponat Synesius Prolemaïdos Episcopus longè doctissimus in libro De regno, & repetit in libris de Providentia, in hanc ferè sententiam: Sphingem AEgyptia gens ante delubra consecrauit, vt sacrum symbolum coniunctionis virtutum, fortitudinis, & prudentiæ, dum ferina species robur repræsentat; humana prudentiam: robur namque prudentia duce destitutum, temerè citraque consilium & iudicium rapitur, miscens atque confundens

dens omnia: rursus ingenium & industria aut prudentia, quantumvis magna, nisi manus habeat administras, inutilis est atque euanida. Sed hoc eius interpretamentum ideò respui, quòd aliud huius rei symbolum eadem gens dederit: de quo diximus Emble. xlii.

Emblema XLIII.

VT fulminis, ita & procellæ eadem est ferè natura & vis, vt validissima quæque ac renitentia sternant, evertant, dissipent. Idem est liuoris ingenium. Contra arundinem contumacem aduersus sequentium nimborum imperus, domitricemque ruentis cæli videmus, nec aliis armis, quàm patientia quadam tutam. Neque verò alia est æquitatis animi ratio, quæ inuictò robore despuit, ac perferendo inuidiam ceteraque mala superat, gloriæ immortalis quæstu opulentissima, vbi temeritas succumbit, quam laudem inuenit sæpius, qui vitæ honestati innititur fortiter patiens, is & tutè viuit, & de inimicis triumphat seriò, talique fortuna etiam adiumento esse solet, quod Cornificius dixit. Picturæ ratio obuia est, vbi ventus aliquis tumidis buccis inspirans, ingentes arbores & confringit medias, & reuulsas radicitus profligat illæso perstante arundineto.

Emblema XLIII.

PRODICVS Cœus philosophus librū conscripsit Horarum nomine, in quo fabulatur Herculem viam ingressum, fortè incidisse in Virtutem

tem ac Vitium; quarum vtrique magno studio illum in suos mores vitæque institutum pertrahere conatæ fuerint: tandem victum in partes Virtutis concessisse, eiusque sudores antetulisse infidiosis ac titillatricibus Vitij voluptatibus deliciisque. Narrationem omnem licet petas ex Xenophonte, libro commentariorum de dictis factisque Socratis secundo. Meminit Cicero de officiis lib. 1. Silius Italicus eleganter hanc fabulam trātulit lib. 15. Punici belli ad Scipionem, cui de bello in Africam cogitanti, dextra læuaque adstisse hinc Virtutem, illinc Voluptatem fingit, addita vtrique oratione ad persuadendum efficaci. Simili ratione Lucian. in somno apparuisse sibi Statuariam & Doctrinam comminiscitur; quarum vtraque sui studium illi persuadere conata sit. Simile commentum est apud Poggium de Industria & Pigritia per somnum cuidam apparentibus. Tendunt omnia ad vitæ institutum delectumque, qui à Deo animarum ephoro seu natura, cum pubescimus, proponitur: id namque tempus aptissimum deligitur ad ingrediendam certam aliquam viuendi viam. Neque verò aliud est Paradisi iudicium, quàm delectus adolescentis in persequendo hoc aut illo vitæ instituto, dum aut recta ratio eum ducit ad verorum bonorum, hoc est, Palladiæ vitæ amorem; vel animi affectus vecordia seductus, ad Veneræ & in speciem pulchræ formæ admirationem rapitur & inclinat,
viti

vti vult Proclus Diadochus in Platoniciis commentariis.

Emblema XLV.

Hexametrum, cui subiungitur Iambicum dimetrum catalecticum.

A P V D Sain inferioris Aegypti regionis metropolin, in vestibulo fani Mineruæ sacrati, hieroglyphicum symbolum exsculptum fuisse hoc ordine cōmemorat Plutarchus in libro De Iside: nimirum Infans, Senex, Accipiter, Piscis, Hippopotamus ordine sequebantur: quo admonebantur à primis vitæ initiis ad extremum vsque eius terminum, animis hominum insidere debere, quòd Deo nihil sit magis inuisum atque exosum, quàm impudentia. Accipiter autem Dei significationem habet, quoniam ea auis ceteras antecellit & acie obtutus, & volatus pernicitate. Piscis verò odij latentem significationem præfert, propter mare elementum humanæ naturæ inimicum. Hippopotamus denique impudentiam notat, vt qui genitori quoque suo non parcat, eoque necato vi matrem inear. Est autem Hippopotamus siue equus fluuiialis, soli Nilo cognitum animal, corio & pilis vestitum; vt vitulus marinus, quaternis pedibus, vngulis bifidis, quales bubus, dorso equi & iuba, rostro resimo, cauda tortuosa & breui, dentibus aprorum aduncis, animal præ ceteris sagacissimum, vt quod in arundinetis succisis cubile ponit, tramitesque à pabulatione auersis ve-

sis vestigiis varios distinguit: & ex voracitate nimia pigrescere se sentiens, arundini præacutæ cruce impresso, sanguinis profluvium elicit, eaque inanitione sibi medetur.

Hæc fermè de Hippopotamo ex Ammiano, Plinio, Solino.

Emblema XLVI.

Carmen est Antispasticum tetrametrum, eius generis quod à Servio Honorato tali exemplo comprobatur.

Mæcenas atavis, Lydia quos fert, genite.

INTER cetera, quæ Leoni sæuissimo animali terrorem incutiunt, enumerat Plinius lib. 8. cap. 16. circumactos rotarum orbes, & cantus gallinaceorum, sed omnium maximè ignes. Confirmat hoc Orus Apollo, nulla re magis domari atque frangi leonis feritatem, quàm accensis facibus. Iræ tumor haud fermè compescitur melius quàm documentis præceptisque cælestis philosophiæ, quæ facis instar mentem illuminat, & ab indomita præcipitis affectus rabie cogitationem auocat, sanæque doctrinæ suggestionem munit, & animi tranquillitatem conciliat. Præterea & supplicij metus non iram moderatur modò, sed & ceteros affectus velut iniecto freno cohibet. Iræ significatio à tedis non est aliena: nam & definiunt eam sanguinis circa cor ardorem. vnde Lucret. lib. 3.

*Est etiam calor ille animo quem sumit in ira,
Cum feruescit, & ex oculis micat acrius ardor.*

Quod

Quod ad picturam attinet, pingatur fax ardens,
& leo qui auerfetur ignem illum.

Emblema XLVII.

*Carmen est Alcaicum dactylicum monoclon, con-
stās pentemimeri Iambica & gemino dactylo;
simile illi Horatiano:*

Fauetelinguis, carmina non prius.

PINGATUR Ceruus pernicissimo cursu
fugiens, sed obliquato nonnihil collo sagittam
vulneri hærentem respectans, vt aliqua ratione
doloris sensus exprimi videatur. Expressum ex
illo Hetrusci poetæ versu, qui etiam non absur-
dè appingi potest: DIDVOL' MISTRV GGO,
ET DIFVGGIR' STANCO. Qui æger a-
nimi peregrinando & trans maria currendo dolo-
ris fastidium leuare se posse sperat, non ab-
similis est huic Ceruo; nam & ægrimonix vulnus animo
circumfert, & opes atterendo, ac in ignota incur-
rendo hospitia, dum malè tractatur, lassescit, cru-
ditatemque vulneris adauget.

Emblema XLVIII.

Heroicum est Archilochio tetrametro adiunctum.

DESUMPTVM est ex Plutarcho, libro de
Iside sæpius antea citato, vbi sic ait: In Creta lo-
uis fuit statua, auribus mutila: quo symbolo in-
nuere voluit artifex, principem & qui ius in om-
nes habeat, non debere alicui aures suas mancipio
dare; hoc est, ita accommodare, vt ab illo possesse
videantur, vtque illarum obsequio abuti queat.

I Nihil

Nihil perniciosius est quàm quòd aures in omne patentes princeps habeat. id quod Marcellinus lib. 16. de Constantino Cæsare prædicat, turpem tanto Imperatori maculam adspargens; contrà quàm præclarum acroama & elogium Iuliano lib. 18. idem tribuit illius patrueli, quo prædicat eum personarum indeclinabilem iusti iniustique fuisse distinctorem: addito & documenti vice exemplo laudabili, quod huiuscemodi est: Nã cum Numerius, prouinciæ Narbonensis rector, peculatus in simulatus, rationibus crimen obiectum facile dilueret, ac Cephidius orator hominis innocentiam acerrimè oppugnaret, inopsque documentorum exclamaret: Neminem quenquam nocentem fore, si infitiri sufficeret: Iulianus sapienter ex tempore subiecit, Ecquis tandem innocens erit, si accusasse sufficiet? Non alienum hinc est Alexandri Macedonis factum, altera manu opposita aurem obstruentis, vt ore seruaretur integra.

Emblema XLIX.

*Trochaicum Sotadicum trimetrum acatalectum
monocolon; quale illud apud Mariū Seruium:*

Arua sicca nimbus intrat, ite læti.

C V L E X insectum flammæ splendore mirè gaudet: itaque lucernis aduolitat, moxque exustis alis concidit, atque interit; vnde & Pyraustæ gaudium & interitus, in prouerbiū abiit. Non absimilis est conditio amantis, qui inescatus amoribus,

ribus, temeritatis suæ fructus metit, & quem deperit, igne perit. quò spectat A. Elchyli Tragici poëta senarius:

Pyrausta inertem pertimeo necem nimis.

Potuit & pudicus amor huiusce calamitatis sensum incurrere, quando Euadnen legimus præ nimio coniugis Capanei amore seipsam vtrò pyrae ardenti iniecisse: Portiam legitimi amoris singulare ornamentum, marito Bruto extincto, ardentibus carbonibus ore haustis, vitam abrupte, testante Valerio Maximo; nam Dido se ipsa ferro consumens dubium in utramvis partem exemplum attulit: ita ut picturae per se alioqui manifestæ adscribi queat versiculus Italicus,

COSI DI BEN' AMAR PORTO TORMENTO.

Emblema L.

COMPLECTITVR istud emblema ternas præcipuas vxoris dotes, nimirum residem domi suæ operam (cuius explicatio XXI. emblemate elucescit) deinde opum mariti industria quæsitaram custodiam, postremò linguæ continentiam. Pingatur itaque recto corporis statu mulier, dextra clauium fascem præ se tenens; læua ori opposita, qua specie Angeronia Dea, silentij præsul, prænexo obsignatoque ore figurabatur apud priscos.

Emblema LI.

ADAMAS vt inter gemmas facilè principa-

I 2

tum ob-

tum obtinet, neque mirum, quippe cui vis indomita nomen Græca interpretatione dedit; ita duarum violentissimæ naturæ rerum; ferri ignisque contemptricem vim singulari prærogativa iam olim possidet, atque auctoritate scriptorum veluti mancipi tenet: quando enim incudes, nedum malleos ferreos dissilire inusitata sua duritie faciat; hinc est quod adamantem (quem opum gaudium præclaro elogio nuncupat Plinius) reliqua vi omni in fragilem atque inuictum, solo hircino sanguine, nec nisi recenter à cæde feruente, rumpi posse naturalium rerum ventilatores negant. Emblema desumptum est (ne quis nobis fascinus à maleuolis obrepat, qui candidè nostros labores in publicū proferimus) è librorū Pragæ, quæ Bohemiæ copiosissima facilè & literarum studiis celeberrima est ciuitas, excusorum frontispicio: vti annulus pala inclusum habens adamantem, decussatim præfert hinc securim Amazoniam; inde trullam ferream igne ardente coruscā.

Emblema L I I.

Carmen est heroicum cum Archilochio dactylico hypercatalectico

T R E S sunt capitales veræ laudis ac honestatis omnis hostes; tres exitiales pestes, Inertia, Gula, Venus. Hæ nimirum sunt pellaces illæ Sirenes, quibus sapientiæ adumbrator Vlysses aures obstruxerat: hæ veræ Gorgones torporem menti industriæque conciliantes: hæ ipsissima Harpyia

pyiæ animorum pabuli depeculatrices, quæ patria, hoc est mentis, bona comedunt, ratione exuunt, animique lumen excæcant. Pingatur homo Sardanapali aut Bonosi cuiuspiam similis, ventricosus, & obesus, accumbens resupinus in lectulo, subalaribus culcitrīs innixus, dextram pateræ iniiciens in mensa apposita, læua Venerem expillatam contrectans: addatur ad latus Gloria fugientis specie, retrospectans, & auersa manu veluti valedicens. Porro Gloriæ purpureus habitus, ut latè conspicuus, aut Attalici generis, tribui debet, cum laurea corona sempiternitatis teste: cuius plantis adicerem talares alas ad modum Mercurij: paludamentum autem illud purpureum aut χρυσόπαινον linguis oculisque passim adpersum distinguerem; tum quia gloria latè in terrarum orbem dimanat; tum quia gloria celebrem omnium ora loquuntur, in eundem omnium coniecti sunt oculi.

Emblema LIIII.

Metrum est Iambicum tetrametrum monocolon.

N E M I N I non est in ore verusti poëtæ dictum, Veritas Temporis filia; quod nimirum tempus in lucem proferat veritatem. Saturnum autem pro tempore accipi indubitatum est. Iam verò constat Democritum dixisse quondam Veritatem altissimo in puteo demersam atque obrutam iacere: vnde sumpta est fingendi Emblematis occasio. Pingatur virgo nuda Veritas, è specu ob-

scuro inter scopulos vmbilico tenus emicans,
 quam Saturnus libratis in aëre alis volitans, dex-
 tra educit: circumstant hinc inde tres femineæ
 specie pestes, Discordia, Calumniæ & Inuidia,
 quæ succinctæ & ligonibus instructæ, manibus
 pedibusque conentur veritatem egesta humo ob-
 ruere. Nunc singulatim personarum habitum ac
 speciem demus. Veritas virgo pingitur niueo &
 simplici rugisque carente, amiculo induta, puro
 oculorum lumine irradians. Calumniæ olim ab
 Apelle pictorum coryphæo ita depictam insinuat
 Lucianus. vt ornatu sit pulchro, forma egregia,
 ad spectu ardente: læua ardentē sedam præferens;
 dextra supplicem adolescentem per capillos tra-
 hens. Inuidia macie lurida pingatur, obliquata
 oculorum acie, viperis circum caput errantibus
 redimita, corque humanum ori admouens come-
 dendum. Discordiæ siue Litis imaginem dabo
 Emblemate LIIII. Saturnus autem operto ca-
 pite pingatur, senis specie, alatus, læua falcem
 tenens, aut, vt alij malunt, clepsydræ. reliqua
 picturæ pars è superioribus patet.

Emblema LIIII.

SYMBOLVM per se dilucidius est, quàm vt
 diserto in re clara esse lubeat; quis enim mali om-
 nis parentem discordiam non cecinit, mare cælo
 permiscere doctam? Pictam hanc graphicè ex-
 prellit in Satyrarum fragmentis Petronius Arbi-
 ter, quem magna ex parte secutus, eiusmodi pi-
 cturam

Eturam dederim. Pingatur mulier lacrymis oculis oppleta, scisso capillitio, comas viperis implexas habens, scabris dentibus & liuidis, sanguinea manu facem ardentem quatiens, quæ pedibus sollem deprimat, cuius acrophysion siue caput foculum propinquum excitet cum fumo & flamma.

Emblema LV.

MUSCA, meritò ab Homero impudens dicta; qua nullum animal minùs docile putatur, minorisq̃ intellectus, impudentes alienæ famæ obtrectatores denotat, aut æmulos Zoilos, qui ad bene dicta conuiuent: in vitio læui aut lubrico lapsu immorantur, illudq̃ue suggillant. Apis candidi lectoris exemplum est, qui Musarum prata peruolitat, & utilem mellificio succum depascitur: aut qui Virgiliano more è fimo gemmas colligit, ex horridè insciteq̃ue dictis Veneres dicendi conquirat. Pingatur hinc musca iumento hulceroso insidens, virusq̃ue depascens: illinc apis thymum floresq̃ue delibans.

Emblema LVI.

CITAVIMVS in Adagiorum nostrorum octaua Centuria prouerbiū à Dionysio Longino rhetore vsurpatum, *Ψυχῆς γλῶττόν ἐστι δὲ λεία*, Animi scrinium seruitus: quòd ea sit animi retinaculum, neque sinat libero nos ore eloqui, & liberaliter expromere, quæ animo concepimus, addicti magnatum seruitio, vel saltem eorum tyrannide prohibiti, velut iniecto ori freno, cum

libertas eloquentiæ nutritrix sit ac parens. Nimirum
 a tyrannis ab antiquissimis temporibus inoleuit
 à principibus usurpata, volentibus flagitia sua
 virtutum velaminibus tegi, perfidiam specioso
 fidei fucō induci. Ea fauendi vitiis consuetudo,
 vñ stabilita, atque in mores recepta, ingenia scri-
 bentium seruitute degeneri ita corrumpit, vt nihil
 sit ab hac parte sani, vt sacrosancta illa historia-
 rum fides penitus interierit, vt illaudatos Busiri-
 des & portenta cælestibus propè æquemus. Inde
 excogitata fuit ingeniosa illa pœna & animad-
 uersio, qua libri incendio absumi iussi sunt Sena-
 tus consulto in Imperatorum, ne dicam orbis pe-
 stium, gratiam: quod de Labieni scriptis memo-
 rat Seneca, de Cremutij Cordi Tacitus. Emble-
 ma petiit ex Philostrato in Scopeliani So-
 phistæ imagine, qui deprecatus operam à Clazo-
 meniis imperatam, qua domi ludum aperirer, re-
 sponderet, Lusciniam in cauea cantillare. Pictura
 per se euidens, lusciniam caueæ inclusam postu-
 lat, sed desidem, non volucrem.

Emblema LVII.

D I O N aurei oris cognomine celebratissimus
 Græcis Philosophus & Orator, in Diogene siue
 de famulatio, Emblematis istius occasionem de-
 dit, vbi diuites onerosa famulorum turba stipa-
 tos, iulis (chenilles Gallicè, nisi fallor, millepe-
 das multipedæve Latina lingua nuncupat pilosos
 vermes arcuatim progredientes) assimilat: qui
 etsi pe-

et si pedum agmen infinitum moueant, reptilium
tamen sunt facile tardissimi: ita enim sonant eius
verba, ἐπὶ τὸ πρᾶγμα ὄργιον θῆς ἰούλοις, οἱ μυρίαις
πόδας ἔχοντες, βραδύπατοι εἰσὶ τῶν ἐπιτῶν. Non
absimili ratione triremes Paridis, quibus Hele-
nam petebat, ob remorum ordinem multiugum,
ἰσλοπέζες, quasi iuli instar gressiles appellant.
His aptissime Crassi nostri torquari mancipiis lo-
cupletes, & Tantali fame conturbatrice nobiles
comparantur, qui ansatis lateribus platearum
spatia complent, pellitis abollis, & ferarum tergo-
ribus hirsuti, fracto quæ incesse superbi, multitu-
dinem assestantium ministrorum puerorumque
ponere & utrinque attrahunt. millepedæ non igno-
ta forma est, ac proinde obuia picturæ ratio, nisi
quod venustandæ illius gratia addici superiore in
tabulæ margine torquatus aliquis multo comi-
tatu superbus possit.

Emblema LVIII.

INGENIUM & industria quid non valet,
quid non penetrat, atque peruat? quò si accedat
assiduitas sedula & indefessa, crebris operis ean-
dem incudem nocte diuque tundentibus, operi
instans, ne tum rotundum nescio quid & absolu-
tum (cuiusmodi orbicularis ille scientiarum du-
ctus promittit) existat inde necessum est. Vetus
illud ac veritati consonum est: Crebris ictibus
quercum deiici, continuæ atque infatigabilis di-
ligentiæ argumento, quod difficillima etiam quæ-

que ea via superentur adeò & perficiantur; Herculeis ac Theseiis laboribus omnia quamuis ardua, cælum denique ipsum pateant. Verè ille, Labor improbus omnia vincit. Palis & stipitibus, quos fistucæ adegerint, telluris ipsius solum, & *ἔδ' ἔσφαλ' ἐς* (vt Hesiod. canit) pertundi videmus. Has tibi sublicas, Sufianæ quidem familiæ insignia, sed easdem pertinacis industriæ symbola, animo infigas velim, Petre fili, ne corpor hinc te reuocet, inde desperatio ad summa euadendi deiciat; quin potius iusta æmulatione ad domestici exempli gloriam laudisq̃ hæreditatem adspires assiduo studio, quod nocturna diurnaq̃ manu tractatum, cunctas tibi difficultates, velut propitia quædam Lucina, peruias aperiet.

Emblema LVIII.

QUEM AD MODVM petra infesto mari exposita, sine vlla intermissione, aut rabida fluctuum vi pulsatur vndique, aut violento procellarum impetu oppugnatur neque tum loco cedit tantillumve commouetur, sed intrepida qualescunque maris aërisq̃ minas præ se contemnit ac spernit: ita etiam non minus vtile, quàm necessarium esse iudico, vt iuuenilis ætas, malarum artium insolens, petrae fortitudinem ex parte aliqua in exemplum trahat, imiteturq̃. Quod tum maximè fiet, cum honestioribus exemplis præceptisq̃ instituta, ad rectiorem viuendi normam dirigitur; si effræmati libidinum impetus, quibus

quibus ea plerumque ætas obnoxia est, inhibentur, prauorum conciliabula tanquam blandæ Syrenes, præsens alioqui exitium allaturæ, ad Vlyssis exemplum surdis auribus præternauigantur: denique si titillatrices voluptatum illecebræ (quas diuinus Plato malorum omnium escas venustè appellauit, quod nimirum iis capiantur homines, haud aliter quàm hamatis escis pisces) retunduntur: vt quamuis prematur, saltem non opprimatur iuuenilis animus. Tantum est vt sub petræ exemplo admoneamur; virtutem animo esse capiendam, contrà verò desidiam ac socordiam reiciendam. Porro in eandem sententiam scitè admodum Latinum regem varios furentis populi rumores compescere ac sedare satagentem, rupis fortitudini his versibus comparat Virgilius:

Ille velut pelagi rupes immota resistit:

Vt pelagi rupes magno veniente fragore,

Quæ sese, multis circum latrantibus undis

Mole tenet. scopuli nequicquam, & spumea circum

Saxa fremunt, laterique illisa refunditur alga.

Similiter Mezentius, cum ab hostibus acervatum in eum irruentibus crebris telorum ictibus impeteretur, non solum tantam vim parui fecit, sed etiam,

-- Velut rupes, vastum qua prodit in aquor,

Obuia ventorum furis, expositæque ponto,

Vim cunctâ atque minas perfert calig. marisq.

Ipsa immota manens,

eorum

eorum impetum quantumvis vehemētem infracto animo sustinuit cedere nescius. An non & Hippolytus (cuius inaudita & inuicta castitas pro uerbo locum fecit) incredibili animi constantia petræ fortitudinem imitasse putandus est? quando Phedræ nouercæ, nihil inausum aut intentatum relinquentis, quò facilius pūrum priuigni animum ad impuræ pudicitix crimen deriuaret & quodammodo effascinaret, illicito amoris repugnans, & illices eius blanditias,

Vt dura cautes undique intractabilis

Resistit undis, & lacescentes aquas

Longè remittit,

respuens, nec pretio vllò adduci potuit, nec precibus flecti, ut amoris flammæ, quibus impotenter flagrabat illa, mutuo igni nutrirer, nedum scintillam animo conceptam admitteret. Poterit etiam non in scitè hæc petræ comparatio ad alium sensum applicari: quandoquidem iuxta D. Paulum petra humani generis Seruatorem Christum mysticè repræsentat, quem nos, qui re ipsa Christiani dici volumus, ex omni parte imitari, eiusque sacrosanctis præceptis insistere oportere monet Symbolum. Quid, quod & D. Cyprianus lib. 1. epist. 3. Manere debet, inquit, apud nos fidei robur immobile, & stabilis atque inconcussa virtus contra omnes incursum atque impetus oblatrantium fluctuum, velut petræ obiacentis fortitudine & mole debet obistere. Pictura per se satis euidens est.

Emblema LX.

LEVEM & desultorium, quique velut ab oscitantibus peragitur scribendi laborem, brevis fluxusque manet honos, at illustri neque nisi expenso iudicio eliminata scripta, sempiternum aut certe cum mundi interitu simul desitutum concomitatur decus, quod immortalibus suis scriptis augurās Flaccus, monumentum ære perennius exegisse se gloriatur, illiusque ad exemplum Ovidius nullis ignibus, nullaque vetustate abolendum opus perfecisse prælagus cecinit. Viuet etiam tuus Blondeli immortalis memoria calamus, ut ille penicillus præclarissimi pictoris, qui manum de tabula tollere potuisse negatur, industriam singularem repræsentans, & immortalis gloriæ spem non dubiam affectans viam.

Pingatur Fama dea, volucris, toto corpore oculata, quæ calamum laurea vestitum dorso inter astra subuehat.

Emblema LXI.

QVIS dignum satis præconium instituere queat in celebrando pro meritis laudatissimo tuo genio vitæque instituto, ornatissime Antoni à Burgh, cui cum ad splendidas diuitias à fortuna cumulatè affusas atque à maioribus relictas, ea accesserit naturæ benignitas, qua neque maiorem ferè sperare aliquis possit, neque tu meliorem sortem optare debeas: illud tamen veluti natium temperamentum secutus sis semper, quod in tantopum

to opum splendore inuidiosos illos, & qui à multis cum præsentì interdum vitæ discrimine emuntur honores, non aspernatus modò sis, sed ita fugeris; vt rarus in vrbe, ruri tranquillam in quieto otio curis procul vitam exegeris hæcenus, eundemque etiam teneas vitæ cursum. Nimirum prudentissimè consideras quantum tibi molestiarum, quantum sollicitudinis demas, quo te curarum fasce exoneres, quando vrbanoꝝ negotioꝝ vndas, & in ciuilibus muneribus pericula, securus procul velut è terra despicias; præsertim exulceratissimis hisce temporibus, quibus ne Deus quidem ipse, si mortalem indueret formã, declinare Inuidiæ æstus possit. Hoc trilogyi tui primum membrum, F V G E, docet: cui ferè consonat alterum Q V I E S C E, animi quietem atq. otium non discinctum illud & iners, sed honestum & à turba discretum, insinuans. quod partim studio & lectione suppeditatur, partim in œconomia & rerum familiarium cura diligente consumitur: nam hebescere ac in otio languescere, ac veluti congelare nemo vnquam sanæ mentis probauit. At tertium, T A C E, exemplo Harpocratis, suadet fidele silentium: cui semper tutã est merces, vt Horatius cecinit, quando pluribus cæca nocuerit garrulitas, nunquam taciturnitas; nisi fortè immodica atque importuna. Itaque vt sententiam, quam assequi mihi videor, in pauca conferam: Moneo honores esse fugiendos, nedum appe-

appetendos: vitam velut in silentio trahendam,
 ut ignoreris, aut certè vocem continendam: & in
 otio partis suauiter fruendum.

Ut autem res oculis fideliter subiiciatur, Pin-
 gatur primo loco vir concitato corporis motu fu-
 gam intendens: deinde Harpocrates Aegyptius
 deus, qui oclusum digitis os obstruendo silen-
 tium indicebat: postremo deses homo toro in-
 fidens.

AVCTO-

AUCTORVM NOMINA,

EQUIBUS PRO FECIMVS, ET

QVORVM TESTIMONIO

SVMVS V.S.L.

Aelianus.	Dion Chrysostomus.
Aërius.	Dionysius Areopag.
Albericus.	Dionysius Longinus.
Alcæus.	Dioscorides.
Aeschylus.	Epictetus.
Ambrosius.	Epigrammata Græca.
Ammianus Marcellin.	Eralmus.
Appuleius.	Eusebius.
Aristeas.	Festus Pompeius.
Aristophanes.	Fulgentius.
Aristophanis interpres.	Galenus.
Aristoteles.	Gregorius Nazianzen.
Artemidorus.	Harpocraton.
Athanasius.	Hermes Trismegistus.
Au. Gellius.	Herodotus.
Aurelius Victor.	Hesiodus.
Ausonius.	Homerus.
Catullus.	Horatius.
Cebes.	Hugo Cardinalis.
Clemēs Alexandrinus.	Hugo Eterianus.
Cornelius Celsus.	Ioannes Stobæus.
Cornelius Tacitus.	Isocrates.
Cornutus.	Iunius Columella.
Diodorus Siculus.	Iustinus Martyr.
	Lactan.

Laetantius.	Plato.
Laërtius.	Plinius.
Lilius Gyraldus.	Plutarchus.
Lucanus.	Portius Latro.
Lucianus.	Proclus Diadochus.
Lucretius.	Procopius.
Lycophron.	Pfellus.
Macrobius.	Qu. Curtius.
Martius Plotius.	Sappho.
Marius Seruius.	Seneca.
Martialis Episcopus.	Silius Italicus.
Martialis poëta.	Solinus.
Nicandri interpres.	Statius.
Nicephorus.	Strabo.
Oppianus.	Suidas.
Origenes.	Synesius.
Orus Apollo.	Terentianus Maurus.
Ouidius.	Tertullianus.
Paulus Aegineta.	Theophrastus.
Pausanias.	Valerius Maximus.
Petronius Arbiter.	Vitruvius.
Philes.	Xenophon.
Philostratus.	Zezes.
Pindarus.	Zoroastres.

K CLA

CLARISS. VIRO ARNOLDO
ROSENBERGO, IURISCON-
SULTO, HADR. IVNIVS
MEDICVS S. D.

TEXTA tibi numeris latebrosa Ænigmata
mitto,

Quæ dextra enodēs OEdipus arte nouus.

Rosenberge decus Charitum, Musq; nouena

Rarum ornamentum, præsidiumque meum:

Nempe quaterdenos, cum quattuor, ordine gryphos,

Ad numerum tenebris lux rediūna venit.

Sic Ariadnæo filo ducē fugerat olim

Ægides latebras, cæcæque tecta domus.

Prima tenet Calamus gracilis: ² Nix algida: mollis

³ Spongia: cūmq; ⁴ Mann thus: ⁵ Libanotis olens:

⁶ Ignis edax: ⁷ Echo resonans: assertor ⁸ Iesus:

Cum ⁹ Cereris potu mollia ¹⁰ Vina simul:

Fictilis ¹¹ Olla: ¹² Vitrum fragile: & nux ¹³ Castanea:

¹⁴ Taurus

Hinc sequitur: foetens ¹⁵ Matula: ¹⁶ Rana loquax:

Instabiles ¹⁷ Argentum viuum: ¹⁸ Pappique volantes:

Turgidulum ¹⁹ Cerasum: pendula ²⁰ Araneola:

Tardigradus ²¹ Cancer: ²² Paries & struētilis: adde

²³ Clysma aluum ducens: ²⁴ Aurea mala super:

²⁵ Campanum æs: ²⁶ Limaxq; piger: ²⁷ Cerviq; fugaces:

²⁸ Pileolus capitis: Velinola que ²⁹ rares:

Et 3^o Membrana, tenax quam cera obfignat aratam:

Mollis 3¹ Charta: agilis 3² pes: volucrisq; 3³ Pila.

Hinc 3⁴ Vespertilio sese ordine stridula iungit:

Et cum dentato 3⁵ Pectine, dura 3⁶ Silex.

Pòst agmen claudunt 3⁷ Mòrum: 3⁸ Canis impiger, atque

Sol 3⁹ candens: simul huc, 4^o ceree Lychne, subis.

Coningis 4¹ & votum, cui vincla ingalia sordent:

4² Temporis usura: & 4³ Cos sine fine rotans:

4⁴ Prurigo imponet mordax Colophona libello,

Qui nostra in lucem prurit abire manu.

En tibi materiem, quæ pangitur ordine, libri,

Qui rerum exponit nomina luce data.

Haud alio tenuis mea nunc tibi Musa litabit:

Complacat magnos vel mala salsa Deos.

Disce favere orsis, auram adspirato secundam;

Quod cecini, nitida fronte benignus habe:

Nen fallas nugis tua seria: tunc breue volues,

Cum madidus cenam soluet Iacchus, opus.

HADRIANI IVNII ÆNIGMATA.

I

*EST mihi forma teres: cauus, at non peruius aluus;
 Quem medium nodis spissa medulla secat.
 Porrigor in caudam, cui barbula vestit utramque
 Oram; quæ volucris sum vice remigij.
 Ex sanguis, de carne tamen satius, huius alumnus:
 Nec nisi carnosio vellor ab usque sinu.
 Iam truncus capite, & diffissa cuspide sectus
 Proluo me succo Sepia nigra tuo.
 Usus abest lingua, tamen illa exerceo parte
 Ius necis & vitæ: tristia bella sero:
 Componoque animos: regum iras mitigo & arma.
 Atro felle mea aut spicula melle madent.
 Hoc potior lingua: sine memoritura quod huius
 Sit soboles: nostram secula longa manent.
 Illa etiam solas præsentis manat ad aures,
 Nostra vel immenso quæ patet, orbe sonat.*

ALITER, SED E GALLICO IDIOMATE.

*Me gignit nutritq; caro, de carne reuellor,
 Carnis abest species, nulla est substantia carnis.
 Artus crescenti inuvalidi, muccosaque origo.
 Truncatûsque caput, madidum bibo cuspide rorem,
 Quo Genij lati aut irati semina prodo.
 Eas perago atque nefas facilis bona pranæque sector.*
Diffi-

Dissidij ac pacis sum Regibus auctor: amantes
 Concilio: moderor mentes, & tempero curas.
 Sape simultates idem qui concito, soluo.
 Quaq; velim sciri, totum disseminò in orbem.
 Criminis ipse exsors, multi sum causa labris.
 Dicam te Oedipoden, si quid sim, nomine prodas.

I I.

Candidior cygni plumis, sum filia Bruma,
 Dura minus glacie; sed nec minus algida: fungo
 Rarior, ac fluidum in laticum tabesco repore:
 Signo nouem fuerit si littera prima recisa:
 Cor mihi si iungas, vix est auis atrior vlla.

I I I.

Tethyos undifona mediis ego nascor in aruis,
 Méque cauernosam fistula crebra forat.
 Non inuita graui leuis impleo vissera succo,
 Quem reuomo exsorptum pollice pressa prius.
 Peniculusque loco mensas extergeo mollis,
 Et rapio sorâes, vlceraque exanio.

I I I I.

Porrigor in ramos quinos, & quilibet horum
 Diditur in triplices nodos; nisi quintus egeret
 Vno, qui solus respondet robore cunctis:
 Undique colliculus surgò, in vallémque resido:
 Ast abaci, desit si fortè, ego munia praesto.

V.

Thuris odorati de me salit halitus; unde
 Natales nostrum nomen sibi vindicat ori us.
 Prodigia quaminiū nostri, per vùlnera vitam

E ffundo , digitus nisi det carpendo medelam.

V I.

Ex me nata Sophi perhibent primordia rerum;

V ltimus & rerum finis & orbis ero.

Omnia consumo , nostrum neque nomen abhorret.

Ipse Deus: lenius mobiliusque nihil.

V I I.

Delicia Panos , prolis Cephisia amores,

Conualles adamo , porticibusque vagor.

Indocilis prior ipsa loqui , aut reticere loquenti:

Assecta dictorum , & vocis imago vocor.

V I I I.

Dicito , quale putes nomen , quod recta columna

Inchoat , inde tridens fuscina nectit idem:

Flexus utrinque uncus secat: hinc biuij nota: claudit

Idem uncus medio , qui stetit antè , loco.

I X.

Nomine sum vini non digna , vicem tamen huius

Impleo , dum cerebri victrix percello cauernas;

Illud sol radians , me Mulciber excoquit: amne

Gignor , alitque Ceres madefacti farris aceruis.

X.

Do vires , adimóque , & origo nominis à vi;

Ingenium ex acuo , pectora soluo metu:

Me gignit Tellus : rutilo sol concoquit igne:

Mox ventrosa tegunt dolia , prala vomunt.

X I.

Stat currente rota fictus cauus aluens , vda

Argilla ductus , Mulciberi gremio.

X I I.

XII.

Aëris excludo, tempestatúmque malignam
 Vim transmittó tamen lucem, nō perfluo: Bacchum
 Accipio gremio: nostróque fideliter aluo
 Assyrios nimbos, fragrantíaque unguina credas.
 Lumina confirmo speculíque exerceo munus.
 Quin auri nostro pretium concedat honori,
 Malleolo si fortè sequax, & dúctilis essem.

XIII.

Est mihi dura caro, rugosa veste voluta:
 Includor corij tegmine Phoeniceí.
 Exterius Natura hirtó muníuit Echino:
 Mensam orno, panis dum vice soluo famem.

XIII.

Signiferi sidus, Cilicum mons, Pasíphaës q̃
 Nobilis infesser, vectór Agenoridis.
 A menomen habet gens qua tulit Iphianassan
 Foedantem Scythica sacra cruore Dea.

XV.

Inuentum lasciua putor, Sybari, esse tuorum:
 Fictilis aut stannó, aut Cyprio sim fusilis are.
 Vñbus humanis nil me magis vñtile, quamuis
 Vilius haud quidquam, nec me despectius exstat.

XVI.

Vox mihi rauca aures radit, sum garrula lingua:
 Vlua sub sterili, mollia regna colo:
 Vitáque vere nouo rediuiua recurrit in artus,
 Candida ani, gracili cruribus, esca petor.

K 4

XVII.

XVII.

*Haud temerè inuenias grauius quidquam, attamen
Mobilitate viget: si vinclis exeat arctis, [una
Labitur in partes mille, & reparatur in unum
Rursus: idem immutat species rerum atque colores.*

XVIII.

*Dum iuuenilis adest vigor, est graue moxq; senectæ
Succedente volat leuiter sine prapete penna,
Et pratexit humum tenui sub polline rectam.*

XIX.

*Rubra mihi cutis est: latet intus vineus humor:
Os pro corde gero, semen at illud habet.*

XX.

*Vsus abest manuum: ducens pede stamina texo:
Aluus lanigera fertilitate scatet.
Cum pedicas muscis, scutulatum rete faceffo,
Concedunt tramis serica fila meis.*

XXI.

*Zodiaci gemino munitum forcipe signum,
Pugnantem Alciden mordicus appetij.
Et testudineo gressu feror octipes: æquor
Innato: sum fœdum, lactiferumque malum.*

XXII.

*Calce coagmentor, quadrato marmore surgo:
Defendo nimbos fulcio tecta domus:
Edemas, Ida pastor, iudexque Dearum,
Exitium Troia, clarus adulter ero.
Tollito P, cornu ferio, ruo mœnia, calum
Orno, Helles vector, victima grata sacris.*

XXIII

XXIII.

Ibidis inuentum Pharia, ventrisq³ morantem
Immisso rostro depleo proluiem.

XXIII.

Me vigil Hesperia serpens custodit ore:
De fuluo color insignis, noménque metallo
Fluxit: natura es? dispar, cui viscera frigent,
Exteriora calenti: gratóque embammate mensis
Expetitur succus, conditur pyxide corpus.

XXV.

Malleus illi su insultat mihi; mox ego motum
Aërea percello, & patulas dilabor ad aures:
Clepsydra melius properantes metior horas:
Cogo hominum coetus, tonitrus fugo, tempora signo.

XXVI.

Ex ossis, pedibus cassus, non horreo spinis;
Próque oculis implent cornua bina vicem.
Ex sanguis, quaquà incedo tractu illino mucum,
Lethifer est mihi sal hostis & exilium.

XXVII.

Corniger, ac timidus, pedibúque fugacibus Euro
Ocyor, at Furias mī citat alma Venus.
Lassus, aqua vires reparo: Spadixque colore,
Cornicis supero sacula longa quater.

XXVIII.

Libertatem olim dederam, nunc arceo frigus:
Materies fuerant pili, nunc lanea fila;
Aut etiam trama, seres quas arbore pectunt.

XXIX.

XXIX.

*Filia pinifera silua leuis innatat equor,
 Aluo grande tamen per mare vectat onus:
 Linigeroque sinu ventis famulatur, & iras
 Neptuni ridens, humida regna secat.*

XXX.

*Anser, apis, vitulus, rerum potiuntur, & orbis
 Tergeminum brutum frena superba regit:
 Res similis monstri, condigna interprete, qualis
 Thebigena nodos soluere Sphingis amet:
 Membranam vitulus prabet, calamosque canorus
 Anser, apes stipant cerea dona vaga:
 Fasque nefasque tria hac obeunt, dum tergora charta
 Penna arat, obstringit cera notata fidem:
 His humana tribus diuinaque iura reguntur,
 Omneque momentum hoc cardine terna trahunt.*

XXXI.

*Sectilis in tenues membranas candida lamna,
 Conflata ex atomis, quos lintea fragmina reddunt
 Diffusa in lympham, exilis quos ficina cogit:
 Inde coactilibus stipor; mox arida sole,
 Præbeo me calami diffissa cuspide arandam.*

XXXII.

*Metior, ingredior: tendoque & carbasia laxo:
 Nec moduli, aut versus me sine stare queunt.*

XXXIII.

*Glabra foris, pilosa intus, specieque globosa,
 Exsilio quanquam mi pedis usus abest:*

Aëreas.

*Aëreâsque carens pennis volitabo per auras:
Et vires crebrò pulsa resumo nouas.*

XXXIII.

*Est mihi de sero deductum vespere nomen:
Ala mihi cutea est, plumâque mollis abest.
Sola auium pario, soli vbera lacte tumescunt:
Aspera sunt soli dentibus ora mihi.*

XXXV.

*Buxea materies, numerosoque ordine dentis
Distincta, implexam diuido casariam.*

XXXVI.

*An grauius quidquam est, vel durius? attamē ignis
Hinc saliunt scatebrae, fonticulique leuis.*

XXXVII.

*Primum albus pallor, ruber hinc cruor inficit ora:
Mox succum euinco, Sepia pulla, tuum.
Ultimus erumpo: ast inter matureo primos:
Est genetrix sapiens, nomine stulta tamen.
Assyrios iuuenum monumento testor amores:
Vinosi laticis rore placere queo.*

XXXVIII.

*Corporeæ languent vires, rimisq; fatiscunt
Arua, agrum nostra vi rotat ora pecus.
Religione pia coluit Pelusia tellus,
Nostra fides cunctis obsequiumq; placet.
Nos tamen infamat tumulto Priameia coniux,
Atque incesta Helena nomine abusa meo.*

XXXIX.

*Rerum oculus cunctis, candens saxum esse putabar
Nonnul-*

Nonnullis, discus ve, aut lucida lamina (tanta
De me pugna Sophos exercuit) huic pede maior
Non videor; telluri alius me exaquat inertī.
Attamen unus ego lustro, gigno, excoquo cuncta.

X L.

Stuppa medulla mihi, labor est apis ingeniosa.
Scapus mihi est: ab igne flammam mutuor.

X L I.

Olim dedi, quo tunc carebam munere;
Datum tamen, possideo nunc, atque id colo.
O si diem illum Iupiter bonus vehat!
Quo non haberem, quod darem alteri tamen.

X L I I.

Est, cuius cunctis aqua est data copia, cuius
Ex aquo egemus infirmi atque maximi.
Quid; quod idem nimium huic, aut parcè suppetit
illi,
Ut quisque rectè seciúsue eo utitur?

X L I I I.

Sum Terra soboles; radiati Solis imago
Formaq; libratae geminus me sustinet axis:
Attenuor, tenuoque simul, celerique rotatu
Perpluor impulsa, & vires adspergine sumo.
Omnia foecundans, elementum absumo, vernoq;
In medius (dictu mirabile) fluctibus ignem.
Quin nuda omnigenis occurso durior armis,
Obiectosque domo lacera cuti certius hostes.
Quid, quòd & arcessor, quamvis innoxia cadis?

X L I I I I.

XLI III.

*Carnea sulcetur s̄ glebula corneo aratro,
Non me dulce dabit, sed feret acre piper.*

ALITER.

*Agrum cauetocarneum ne vomere
Arare pergas corneo: pro mellea
Semente mox reponet vrenstibi piper.
Cupido eādem dulcamarus vim tenet, γλυκυπικρός
Pro melle felleum propinans poculum.
Fœdare strictis unguibus cutim caue,
Assiduus est Pruriginis comes Dolor.*

FINIS.

PRIVILEGII CAESAREI

S V M M A.

MAXIMILIANI II. Romanorum Imperatoris
semper Augusti, publico edicto cautum & sanc-
tum est; ne quis cuiuscunque status, gradus, ordinis, aut
conditionis fuerit, quacunque sacri Romani Imperij, &
ditionis eius fines patent, quacunque probatorum au-
ctorum opera, quotquot vel haecenus nondum impressa,
vel ab aliis quidem impressa, nouis autē deinceps scho-
liis, annotationibus aut commentariis aucta & illustra-
ta, Christophorus Plantinus ciuis & typographus An-
tuerpiensis primus typis procuderit, intra proximum
sexennium à prima cuiusque operis aut voluminis edi-
tione, vlllo pacto eiusdem vel diuersi characteris forma
excudat, aut excusa ab aliis, intra eiusdem Maximiliani
& Imperij fines vendenda importet, seu quouis modo
distrahat manifestè vel occultè, sub poena decem Marcha-
rum auri puri; quarum dimidia fisco Imperiali fraudis
vindici, residua verò pars prænominato Plantino cedat,
præterlibrorum ad imitationem impressorum amissio-
nem, quos idem Plantinus vbicunque locorum nactus
fuerit, per se vel suos, adiumento Magistratus loci, vel
citra, propria auctoritate sibi vindicare, inq. suam pote-
statē redigere poterit. In cuius rei fidem ipsi Edicto ma-
nu subscripsit, & sigillum apponi iussit Cæsarea Maiestas.
Datum in ciuitate Viennæ Austriæ, die vigesima prima
mensis Februarij, anno Domini M. D. L X V.

Subfig.

Maximilianus.

Ad mandatum sacrae
Cæs. M. proprium
Haller.

PRIVILEGIUM GALLIA-
RVM REGIS.


CAVTVM HENRICI III. Galliarum
Regis Priuilegio, ne quis in omni eius regno
libros totos, aut in parte, quoscunque Christo-
phorus Plantinus aut nouos excuderit, aut vete-
res, sed correctos siue illustratos, aut adnotatos,
eosce iterum excudat, excudi faciat, aut excusos
vendat, idque intra sexennium à cuiusque libri
editione. Id autem hoc fine, vt ne idem Planti-
nus, laborum suorum sumptuumque. meritissimo
fructu priuetur, cogaturque. tandem intermittere
aut omittere laudabile suum munus, cum detri-
mento reipub. litterariæ, & doctorum. Qui con-
trà fecerit, sciat paratam librorum confiscatio-
nem, aliasque poenas siue mulctas, quæ Regijs
Edictis continentur. Cum lege tamen, ne iidem
libri quicquam contineant, quod vel Religioni
Catholicæ Apostolicę Romanę, vel huius Regni
Statui aduersetur. Atque huius Edicti exemplar
cum fronti aut calci cuiusque operis apponetur,
nullus typographorum siue bibliopolarum vllam
ignorantiæ causam prætexat. Datum Fontibel-
laquæ, quinta Augusti. M. D. LXXXII.


Signat.


Per Regem


De Neufville.


Act Jan 16 1619























SPECIAL

N

7740

J95

1585

C.1

88 B

26113-1

GETTY CENTER LIBRARY

